

1 Chunsi jangsi nung phangjaona

Doh – A 8.8.8.8.5.

1. Chunsi jangsi nung phang jaona
Lunghgei rianra nung jao ethei;
Kalvari khou tei hou puni,
Aniu khang rui thei loumei puta.
Kanloumei puta.

He guanga thuanno khangloumei puta,
Rianramei lat njan luaina;
Kandihmei nuan phung ngam kanthe,
Jaokim makmei pu.
2. Gaimak khang tei rana sulou,
Suh kasi khang ningmei nun rui;
Roman sipai khei simei rui,
Su kasi sihna su kan the,
Kanloumei puta.
3. Luh suanmei guai guang kariuna,
Poubaumei ta rak nduang khang;
Ruak nai pui kam tei kauh lana,
Ntam khang tei thuan ku dikho,
Kanloumei puta.
4. Pouta ning pui jingbang dak khou,
Kamei theihmei ta hou lana;
Mikdui luan laina kapmei pui,
Ringthao datmei tei hou lana,
Kaptan dat kan the.

2 Jingmei gan patro aram njuanni

Doh - G 10.10.10

1. Jingmei gan patro aram njuan ni,
 Kandih khou hei abumang chun kei mak;
 Pou rui damloumei Salem than juanni.
 He theina ringdat puinung, tikgun daime ,
 Namthan gaime khou jai lou o;
 Duipang ram gai mei khou
 Jingmei, theime nganna ai rui thuan ni.
2. Poubaumei ai kap nanglun hou maknga,
 Achun geina bam kei bam guang thui mak
 Zion kaipou bui thang bam kan tucho?
3. Ringmei, Poubaumei achang jingmei khou,
 Gan guang o poubaumei achang man the;
 Lung jingmei le tarou rui gumliam the.
4. Ai ringmei panti tarou khou ruina,
 Kanoloumei nkhuang pui bam ai juanni;
 Duikhuan chu makmei khou ai jang thakni.

3 Kalvari khou jaujian lou mei tei

Doh - F 9.10.8.8

1. Kalvari khou jaujian loumei tei,
 Lik khap kandiu kandih namru khou hei
 Nang rui khan pat lou mei guai tei,
 Thei mei rianrapui ram khou bam.

 He poubaumei nang tikgun daimej jaujianrui,
 Ndaoh khap diu zat guai na khou ;
 Meiguai lungning pap khou man ngam,
 Nang jan nthanmei thuanku kandiu.
2. Airui rianra rianriu bam khou hei,
 Thou cho poubaumei ata kanlou khang?
 Kandih khou hei nang jan din khang,
 Nkhalou diu khang mei mak ge.
3. Kandih khou nkhuai mei muangjing kum,
 Jing guange poubaumei alung khou hei;
 Tigan lou o nang tikgun rui,
 Alung mun kumma puang datni.
4. Nangta ninga kapbe poubaumei,
 Njianmei guai tingsanga lungpui ram;
 Kap bammei hei tabui nung rui,
 Neilah mikdui phui dat ni cho?

4 Ganphiu banchuang kanloumeipu

Doh - A 12.9.9.8

1. Ganphiu ganchuang kanloumeipu,
 Kandih lung rianra rianriu mei guai;
 Panti muang jingbang nai dat lak khe,
 Kapma tammei nai dat lak khe.
 Lily munpuang le tik dailiangmei ram,
 Laujiu Nah le kanloumei bam pui ram;
 Tingkau chang khak le thanhmei nun
 Hou khang ai ninge.
2. Phang jao o tik dailiangmei ram tangmei nunrui,
 Thuanpui khuan gaimei lu tei suanna;
 Kandih champan thiu rui kao sini,
 Njianna ai guang dat lak khe.
3. Kanloumei nunrui Jerusalem than gaimei khou,
 Neilana bamme ramgai khou tei;
 Ai bamni e kaniu ram gai khou,
 Alung khou hei ningtan mak ge.
4. Lung neila duidai pang poubaumei bampui ram,
 Neih le buh le ganchuanga ni mak
 Lung rianra mei hei nai dat lak khe,
 Laujiu Nah rui gan gai lou e.

5 Ai ringpui tngmik hei

Do - A 10.8.10.9

1. Ai ringpui tingmik hei duidai pang thang,
Ai ningmei ramgai mei nai e;
Nkhuan ngam mak ge kanloumeipu ta
Neila na guang kariu nimei ta.

Jaitang lou o, He! Kanloumei pu,
Rimgai mei lily muang puang pui bam;
He! tabui nung rui guangtang nicho?
Kanloumeipu tam dat mak pui ram.
2. Ai rui ninge poubaumei njianmei,
Jianna tithai lou o gaipui ram;
He! alung khou hei guang puang chui lou o,
Ai kap mei le rianramei manni.
3. Ata nkhuam bam e jianmei nun rui,
Neilamei pu Zion ram khou;
He! tabui nung rui ai guang tang ni cho?
Tam mak pui ram khou thuan kariu khang.
4. Ata jai lou o, He! Kanloumeipu,
Ai rianra pui bam khou ruina;
Ai suanni Laujiu Nah kagun daime,
Tam mak pui tingsang gaipui ram khou.

6 Ai rui tikgun daihna neila bamni

Doh - G 10.9.10.9

1. Ai rui tikgun daina neila bamni,
 Rih ping pui tuang mak pui ram khou tei;
 Hei kandih khou rui phang hou tang ngam mak ,
 Miram tang khang tei nkhuang ngam mak.
 Tingmik thui jaoni ai guang tang maksan,
 Njianloumei gaipui ram khou tei;
 Mei guaina rui hei tei ning thuk sini,
 Sangam mak ge ai karam gai tei.
2. Kabumang rianra na man kanmei le,
 Khrista jian loumei ringpui lat hei;
 Aniuta tithai lou puijang khou rui,
 Hallelujah! Thuanku tak lak khe.
3. Hei kum pui kankhou jat kapum ma rui,
 Katik kagun daimeis bampang khou:
 Kanloumeipu katik kagun daina,
 Hou pui kankhou lumlou puni the.
4. Kandih rianrapui bam khou bamsan hei,
 Tingmik thui rianramei rui duamlam;
 Kanloumeipu hukhou dingpui kan khou,
 Rianramei rui neilamei suni.
5. Hei kumma kanloumei lumloumei nun,
 Tingsei lauthuan ganphiu gan gaimeis;
 Akhang suni poubaumei njianmei,
 Tingsang neilamei lu suan bamni,

7 Lung rianramei khang

Do - Bb

6.9.6.6.9.9

1. Lung rianramei khang,
Ai kapma kalang bam pui ram e;
Tabui nung manni cho?
Ai nkhuang ngam mak ge,
Tabui nung ruina tang nina cho?
Kanoloumei gai pui ram khou bam khang.

He! tingsang gai pui ram khou,
Ai bam ni e (2) gaichui pui ram khou,
Rianra guai thao o,
Nthanmei guai bam pui ram khou,
Tingkau Laujiu Nah le bam cham ni,
2. Kandih rianra pui ram,
Seitan rih tanna bam pui ram khou;
Lungbam khang kabam mak,
Achun suna mikdui Luanga,
Ai ning pui ram gaimei khou,
He! bumang thanmei leh jai lou o.
3. Neilamei jianmei nun,
Tingsang gai pui ram guang tang ngam the;
Hallelujah! Amen,
Jai gut lou o pou rui,
Tingkau gai pui ram khou tei bam khang,
Tingkau laujiu Nah le bam cham khang.

4. Kandih khou rianra na,
Kapmei mikdui thut phui than lou ni,
Tingkau Laujiu Nah rui;
Kagan guang tang mak khou,
Poubaumei ta nkhuang ngam mak ge,
Thei na ringthau datmei ram gaime.

8 Man kandiu rianra rianriumei

Doh - A 8.8.8.9

1. Man kandiu rianra rianriumei,
 Njianmei le ntammei ni;
 Kapma rianramei guai teini,
 Tingsang neilamei su dat kandiu.
 Rianra rianriu mei nai lak khe,
 Kanloumeipu bam pui ram khou;
 Kandih rianramei khang lak khe,
 He! abumang neila na tatro.
2. Airui ning bam e guang dat khang,
 Kagan le tingmik na guangthe;
 Kandih puat guai hei bai ngam the,
 Njuan no pou rui jianlou pui ram.
3. Champan thiu le lung neilahna,
 Zion poubaumei ta thuan no;
 Nkhuai mei guai ta kuaklou na,
 Jai gut lou ni Tingkau ram khou tei.

9 Kandih mun gai aniu khou puangmei

Doh - A 9.9.8.10

1. Kandih mungai aniu khou puangmei,
 Tigan lou o jing pui bam khou hei;
 Jingmei ruina achang man the,
 Jaujian lapui bam Jordan pang khou hei.
 He! ata nduang lou o,
 Rianrapui ram jingmei khou hei;
 Ata nduang lou o, Immanuel Guangh Jisu.
2. Kandih khou lik kandiu Guangh Jisu,
 Njianloumei nang lat gaime hei;
 Nangjan nthanmei thuanku khang,
 Tingnik thui tithai o, kalvari lat.
3. Jianmei nun tam bampui bam kandih hei,
 Kapma huai bam e kanloumei pu;
 Thukmei jei rui kanloumei guai,
 tingsang mun gai neilahna guang dat ro.
4. Guang jisu ganphiu gan gaimeipu,
 Gan guang dat ro alung jing khou hei;
 Jingpui kandih khou bam mei guai,
 Ganlou dat na nang rui jailou datro.

10 Rianrapui ram hei patlouna

Doh - Eb 8.8.8.7 John 14:2

1. Rianrapui ram hei patlouna,
 Kau Jerusalem than gai khou;
 Tabui nung rui tang ni nacho?
 Tingsang gai pui ram khou tei.

 He! Ningtan mak ge,
 Tam dat mak pui ram khou;
 Ringmei dui luang e,
 Kanloumei guai rui jaona,
 Tingsang gaimei hou e.
2. Laujiu Nah rui bam pui ram tei,
 Tingmik thui ai ningtan mak ge;
 He! Bumang thanmei sam guang o,
 Nang ramgai khou jai lou o.
3. Hei khou tei poubaumei bam e,
 Kalun neimik kumma ti e;
 Ata ti e, hei tei ruina,
 Tingsanga ring diu khang rui.

11 He! Tingkau thanmei ninge

Doh - F

10.10.10.10

John 14:26

1. He! Tingkau thanmei ninge sam kei o,
Alung jingmei guai hei timan lou o;
Rianra jingmei rui ata duam liam the,
Tingsang gaimei Eden than gaimei tei.

He! Poubaumei kata karana khang,
Ringmei dui khun ne poubaumei nang;
Katik-kagun daimei tingkau ram gai,
Nang dingge aniu ta gumliam lou o.

2. Reikhou Eden pilung khou bam pui tang,
Kandih pap sipui bam khou bam lana;
Kalvari ching gaimei pan khou ruina,
Tingsang salem than gaimei tei lani.
3. Nangjan tei huai pukhou jingmei man e,
Bumang thanmei kandih thuan ku puni;
Aram neila airui sa thai makge,
Hei tei ninga akhang tinggan pat the.
4. Kandih mun gaimei guaini puang tuai the,
Neila pui tuang guaini man puni the;
He! Poubaumei lunmu tuai dat lak khe,
Hei tei akhang tingsanga puang puni.

12 Kandih ram khou hei kanloumeipu

Doh - F

9.8.8.5

1. Kandih ram khou hei kanloumeipu,
 Alung rianra na bam pu the;
 Jailou naro nang ram khou tei,
 Poubaumei Jisu.

 Theimei,kapmei,kalangmei dui,
 Pang khourui jai kanpat lou o;
 Njianmei ntam mei guai le,
 Neilana bam cham khang.
2. Jangsime le mikdui kei mei hei,
 Rianra khanga kap pui ram;
 Munpuang kum sini kandih hei,
 Rianra kap pui ram.
3. He! njianmei poubaumei hukhou,
 Sa pulak khe ntampui lat;
 Laujiu Nah rui khang lou khou rui,
 Neilana suanni.
4. Ganphiu kum e poubaumei Jisu,
 Pap rui alung jing bam pukhou;
 Nang chang nchummei tei hou khang,
 Akhon tigan no.

13 Lung rianramei muang ding khou

Do - Eb

7.5.7.5

1. Lung rianramei muang dingkhrou,
Ai rui bam khuan e;
Neilamei neihriu tuaina,
Ting gan nimak ge.

He! suaihiam lou o, nangta ningni,
Aru khrou gan guang o;
Jingmei rih rui ata ding khamma,
Tigan o tingsang gai pui riu,
Neila pui ram khrou jai gut lou o.
2. Adam tarou jingmei khrou,
Nang rui gan bam kum;
Kanloumei nang jei pan rui,
Nangta ningtan mak.
3. Kalangmei khuan rui padik,
Zat guai na lung khrou;
He! Eden nei tuai pui tang,
Ningmei rui huai e.
4. Thei thu bumang kandih khrou,
Neila pui kan khrou;
Rianramei kandih munta,
Ning dat pulak khe.

14 Jingbang lung geimei Zion

Doh - G 10.9.10.9.

1. Jingbang lung geimei Zion kailuang khou,
 Pou rui kajei hang tei njan lou;
 Rianramei ruina muang kumma jing e,
 Ata kanloumei pu bam khuan ne.

 He nangniu Jerusalem mei nun,
 Njianloumei guai ta mu ri o ;
 Naomei guai ta tigailou ngam kan the,
 Njianloumei guai ta mu ri o.
2. Jerusalem namdai rangbang khou tei,
 Amu ram thei tei kaji ramme;
 Phangjao lo kalvari ching rukhou tei,
 Mei nun ding khou poubaumei hou e.
3. Jaolo, Kalvari chingbut guang tang the,
 Tabui nung ai gwang tang nina cho ?
 He poubauhmei Nang gwangdat laknga cho?
 Nang bam khangmu Kalvari tei e.
4. Ai rui mulak khe poubauhmei Jisu,
 Kalvari ching tei phang jao bamni;
 Akhang tei rui khanglou mei alungh khou,
 Ai rui theimei nganna mulak khe.

15 Akhang lu gai baimei makge

Doh –B 8.5.8. 5. Isaiah 12:2

1. Akhang lugai baimei makge,
 Hei kandi khou hei
 Akhang khrista theilou mei hei,
 Lugai liang mei e.
 He alu gailiangmei Khrista nade,
 Nthiam khou le lung rianra khou:
 Arangkhang le ngangpui tuangkhang nange.
2. Kandih lu gaimei guai tei mu,
 Mun kumna tuai nuh e,
 Poubauhmei thuanpui lu gaimei,
 Tuai dat pulak khe.
3. Rianrana kap bam khou teini,
 Jianloumei nang e;
 Baihmei ta ai ning khang mak ge,
 Khrista ta ramhna.
4. David khangni rangh gaimei e,
 Poubauhmei jianmei,
 Akhangni Nang rangh gaimei e,
 He poubauhmei le.

16 Aniu ringhpui tingmik

Doh - Eb 9.11.9.11.

1. Aniu ringhpui tingmik manpukhou,
 Kanloumeipu Poubauhmei ta ai houpuni;
 Khoutei ai neihlamei tuai lak khe,
 Kalun tingkau mun kumna pwang puni e.

 He ringmei thingbang lim khou tei,
 Tingkaumei gwai neihlana pwai;
 Mban thai puni hei khou tei,
 Israel chingbut than bam khou.
2. Namdaih pang kalang bam sini,
 Hei khou tei lung h rianramei tei nai sini;
 Tarou khoou jeih hangmei rui jianmei,
 Ntamh puni e hei kndih hei khou hei.
3. Kumna tat dikho Zion nah gwai,
 Katik kagun daihmei ramtei nagwang the;
 Ntao kabna rianra bam sini,
 Akhang neihlamei tingkauh ram tei nai e.
4. Kumna gaime i namdaih tang pukhou,
 Kandih rianra meihei ning dat lak khe;
 Laujiu nah le Gwang daime i ram tei,
 Jaojianme i le neihlame i tiloume i pu.

17 Apap kangjang khou ruina

Doh - D

14.8.14.10.

1. Apap kangjang khou ruina ata kanloumei puta,
Sauhpirun tei runlou lana;
Jeimiu jehang patna jai the, amuh daimei kaikhou,
Rianra rianriu khangna theilou the.

He tingkauh Gwangde rianra rianriu khangmei,
Israel le kandih gwang daimei nuntei rui,
Thai e thei thuaihianmei Poubauhmei ta
Kross ru khou thou rui suluai nina cho?
2. Meinun rui phu e, suluai khang kandih kaguang kaikhou,
Tingkauh guangh rianrana khum kei;
Pap phungmei nun khang teirui kross rukhou theilou
kanthe,
Houmu meinun ruina Hojam kao e.
3. He tingkau tingthin kei o, tingkau kaguang khum lakhang,
Meinun rui kap pui lu suan diu;
Dui kumma mikdui rui luang diu, banglani jai kandiu,
Tingkauh kaguang ruina thei lou pui nung.
4. Pap le theimei ta ngam lana, thao dat kanthe pou tei,
Theimei khou rui rianramei guai;
Kanloumei pu pan rui ringthao dat lana neilana,
Ringhpiu ram namdai gaimei khou gut the.

18 Ai thaona apu dang thang

Doh - A 12.8.12.8. Luk 15; 11 – 24

1. Ai thaona apu dang thang tat dat kan nithe,
 Ahu khou muang jingmei kum jing;
 Ata jianlou nimei mak ge hei kandih khou,
 Apu ramma ari rana.

 Nkhuai-na man kan sini,
 Karam gai tei tuai mak;
 Ai rui lunglai dat re thei,
 Gaimei la dat nu e.
2. Apu kai khou tei sian lan naimei guai tei mu,
 Rianra rianriumei guai khang e;
 Apumsa rui nap dap tari na thei nicho?
 Bui sukhang rianra tat tu cho?
3. Adi gai cho apu dang khou bam pui kan khou,
 Kandih gaimei phu loumei guai;
 Ai rui thai than lana apu ta ning dat the,
 Lum gaina ai nei dat ni the.
4. Ai nkhuai mei rui rianra rianriu na bam the,
 Akhang bam tilou dat ethei;
 Kandih munpuang arihta ai ning dat lak khe,
 Puang chui lou pui gan ni dui e.

19 **Pap ribam khou hei**

Doh - G

9.10.8.13.9.

Luk 23:23 – 25

1. Pap ribam khou hei tingkau guang nah,
 Sau pirun runloumei tei thai na;
 Lung rianrana kalum bam khou,
 Jei luang kumma talan dui kei Getsamani khou,
 Nim kan the Israel nun ruina.

 Lani mak ge, lani makge,
 Israel nang rui lani mak;
 Karu khou ti nkhuailou khang meinun rui phuna,
 Pilat nang latjan su han datro.
2. Kandih guang lani mak Judah nun,
 Kalvari ching rukhou hian bin louna;
 Kapui Mary lung rianrana,
 Munrim gaimeimei tuai kanmei tei kalung rianrana,
 Guang supui ram tei la mak khou rui.
3. Rianra the tarou lung jingmei khou,
 Aniu guangh njangmei tat pui nung mu;
 Jerusalem rakai lung khou,
 Khamthing pheisiat kak kan the, banglani jai the,
 Nthanmei bumang than guang dat ro.
4. Riu kanthe pap ri adou tang khou,
 Kandih hei poubaumei le Khrista ram;
 Pap rita ngammei guang daimeimei,
 Nthuk pui jei rui liu lou the kalvari ching khou,
 Ncham lou kan the poubaumei rui.

20 He kandih khou bam san khouhei

Doh - E 8.7.9.9.

1. He kandih khou bam san khouhei,
 Rianramei rui gum liamme;
 Theimei Jordan dui kan mak san khou,
 Poubaumei rui lunggei na bamme.

 He tithai lou o damlou pui ram,
 Jianmei le kau latdiu bam ntammak pui ram;
 Kandih rianra ram pat louna,
 He tabui nung rui guang tang ni cho?
2. Rei khou rianrana bam mei guai,
 Kagun daipui ram tang khou;
 Tatrei mei le bumang thanmei guai rui,
 He njangmei guangh ta thuan ku e.
3. Ka tingsang lu suan cham khang tei,
 Kao e nthanmei nun rui;
 Kakhuan gaimei tei chulana ai,
 Hei ram gaimei tei ninga kap be.
4. Ningtan makge Immanuel,
 Damthanmei Jerusalem;
 Kandih hei rianra pui ram dai e,
 Tang lak ni the pingge jailou o.

21 Ninge tam dat mak pui ram

Doh - C

7.6.12.10.

Rev. 22:2

1. Ninge tam dat mak pui ram,
Raguangh bam pui ram tei;
Neimik keidat puni aniu hei ntam dat khang,
Ai ninge tam mak pui Zion ram tei,

Ai ninge tingkau munpuang ram;
Immanuel ram tei,
Poubaumei le ringmei thingbang,
Sharon mun gai puang e.
2. Tingkauh Jerusalem than
Ringmei dui tei luange,
Mikrui hou makmei ramle ringmei thingbang khou,
Salem kailuang lung khou jai gut lou o.
3. Daihmei rang gaimeilung khou,
Kau laujiu Nah nun bamme;
Rianra jingmei guai le kapmei nai dat lak khe,
Poubaumei rui jai gut louni khou tei.
4. Daimeilung gaimeilung namdai lat,
Sangam nituang ramme;
Poubaumei le kau nthanmei nun bam pui ram,
Poubaumei bammei Zion ching gaimeilung.

22 Rangsou kumma sam thai ethei ai

Doh - A

9.9.9.9.9.

Kalum Luh 53:6

1. Rangsou kumma samthai ethei ai,
Poubaumei thei pui ching jao tat ni;
Hei khou tei kanloumei tei hou ni,
Jeih kumma talandui pat mei tei,
Jianmei phei nuai rui thut nthan ni.

He kalvari (2)

Nang rukhou guang hin binlou the;
Thao lana hianmei tei sat pat ro,
Kajeih luang keimei thut nthan no.

2. Kidron dui le nangni thao lana,
Nang pou tari meita tijang tio;
Joukhiang rui tari kim pulak khe,
Tatna kajan nthanmei bam khou,
Nchu njanga dui tijang o.
3. Ata ninga tari tuang ethei,
Kidron dui le tuna kao ethei;
Hei khou tei tijang lou ni tuang e,
Nangta ninga tari pui tuang e,
Abumang tat na dui tijang o.
4. Ai tat sini bui tuang sulou ni,
Poubaumei tari kim dui khang tei;
Airui ram khat sini thai makge,
Tat mu tat ni the kalvari thang,
Kajeih luang keimei sini thutni.

23 Ai nangkai khang suni

Doh - G

13.8.12.8.

1. Ai nangkai khang suni gaimei le banthaimai,
Abumang lung khang kauh thu tei;
Ndap tarimei mak tingkauh kandih khou tei,
Tingsang takpui ram gai khou (2).
2. Tingkau gaimei ramtei amang thang dukhou man,
Neila tak dat mak pui ram me;
Du makkhe tauhei mu ramgai mei tei guang khang,
Akhang rui kai gaimei nai e (2).
3. Hei kai tei akhang rana ram me nang khang ni,
Naz'ret Jisu lung pui ram me;
Tingsang lung khang hei ram tei adi gaini cho?
Jisu rui liu lou pui ramme (2).
4. Hei ram khou kai tei karam gai sangam makge,
Khou tei lung rianramei mak khe;
Neilamei le khuan gaimei luh rana suanna,
Kapum ma hou lou ngam puni (2).
5. Guang o apuchai thiu, lung neilana guang o,
Tat dikho hei ram gaimei thang;
Jaujian loumei pu aniu ta duanga lung ni,
Lung rinara nai dat mak pui ram khou (2).
Lung rianra pingmei guai nai lak khe hei khou tei,
Nai lak khe mikdui kei datmei.

24 He kanloumeipu nangta ning tan mak

Doh - C 10.9.10.8.

1. He kanloumeipu nangta ningtan mak,
 Akhang rianra muang kumma jing e;
 He nang lun gaimei rianra kuakmei,
 Tingkauh ganphiu gan pat datro.
 He ningtan makge ata nduang lou o,
 Nangrui ram mak kanloumeipu;
 Tingjing ngam makge.
2. Kapma bam pui bam rianra ram khou hei,
 Pat lou rio he kanloumeipu;
 He nang jaujian rui ata jailou o,
 Ping pui chang khou tat bam khou hei.
3. Theimei Jardon dui dai bam khuan sini,
 Nduang lou o he guang Jisu le;
 He kachak namdai gaimei chang khou tei,
 Neila luh suan na titat ro.
4. Salem namdai ringmei thingbang lim khou,
 Bumang thanmei rui nduang gutni;
 Nangrui ram mak ai hei he kanloumei pu,
 Nangta ninga tingjing ngam amkge.

25 He poubaumei alung rianra bam

Doh - A

9.8.8.9.

1. He poubaumei alung rianra bam,
 Sansimei rui gumliam louna;
 Kapmei le rianra jingmei kgou hei,
 Nikdui keina ai phu guang e.

 He poubaumei alung geimei kapum,
 Nang banpa dai khou ti kan the;
 Lungeimei ti neila kaipou,
 Tingmik thui ti neila lou o.
2. He poubaumei alung neila khang,
 Nang ram mak neila khang mak ge;
 Thou kum mei khou ai juan nicho?
 Ata ti neila khang nang na de.
3. Lung rianra muang rui akhang jinghjing,
 David guang kanloumei pilung;
 Rianramei ata suliam lou,
 Rianra nkhuamei aini guang e.
4. Reikhou Kanan ram bam kathui khou,
 Jangsimei guai ti neila lou;
 Rianramei guai nang ta huai e,
 Akhang neila liangmei nang nade.

26 Jisu tei lung gei na tat the

Doh - D

8.6.8.6.

1. Jisu tei lung gei na tat the,
Hou mumei guai rui jaina;
Tat nipui chang tei jao lana,
Thei lou nipui bam thang.

Luangbut thang tei thang thao kan the,
Sianglou pui thing ru khou;
Rianra khangmei khuan chumei tei,
Kanloumei pu khuan ne.
2. Rianramei kross tei puan lana,
Poubaumei ta jaina;
Tabui thang tei thang thao ni cho?
Ai rui nkhuam bamni.
3. Charinmei sau pirun runna,
Hou mumei rui jaina;
Thei nipui luangbut thang tat the,
Apap guai tei phunga.
4. Khou tei mei geimei kariu na,
Raguang hou mumei guai;
Kaniu ningmei guai guang tang the,
Kross khou thang thao mei tei.

27 Kandih hei ring-rui the

Doh – C 6.7.10.6.6.

1. Kandih hei ring-rui the,
 Kalung khou mansei guaini;
 Simei le lungjingmei rui luang lik ngam the,
 Njianmei guai le pou-
 Pei guai ni man ngam the.
 He laujiu njangmei rui,
 Kasiam namthan tei;
 He abumang nang ni,
 Miram gai tei phu o,
 Kandih lou du khou rui,
 Nang tingsang ram sukhang.
2. Gaipui ram kasiam the,
 He tingsang jang gaipui ram;
 Rianra pui ram rih lai guang khuan sini,
 Khrista ta lum ethei,
 Namdai tei tang puni.
3. Rei khou pou-peï guai rui,
 Hou makpui tuang ram gaimei;
 Jei pan khou ruin tau hei ai hou datni,
 Ai tat ni pui chang tei,
 Aguang khrista hei e.

28 Bumang thanmei mai le muang

Doh - Bb

12.9.10.8.6

1. Bumang thanmei mai le muang rui jailoumeipu,
Guang Immanuel na guang dat ro;
Numbang jingpui chang khou tat bam khou hei,
Ganguang dat ro tingkau ganphiu-
Gan gailiangmei pu rui.

He kau ganphiu (2) gaimei,
Kanloumeipu le guang dailiangmei pu nang e;
Rianramei rui rih kum ma dai guang pu sini,
Ringmei Raguang khou tingsangjang bam ni.
2. Nthukpui changmun kai kham lanlou pui kan khou,
Kachak namdai gaimei khou gut ni,
Pap jang khou rui rianra loumei guai tei,
Katik gun daimei ram-
Guang tang pukhou puang lou puni.
3. Lujiu Nah daimei neikei dat mak pui ram khou,
Jianmei nun rui kandih ning dat mak;
Laujiu Nah tikgun daimei thuan ku o,
Ringmei thingbang lim khou,
Nphuanmei pheii banna bamni.

29 **Kandih ram khou kaguang pheï**

Doh - A 9.9.12.9. Solomon Lu 2:1

1. Kandih ram khou kaguang pheï banni,
 Kandih munpuang guaini tuai puni;
 Aniu pantini suai mak na kei puni e,
 Kum sini akhang Jisu nai e.
 Lili puang lui kaguang Jisu tei,
 Puang the akhang tei rui tingkau thang,
 Rianramei kan khou ni kamei rui duanglou,
 Tuai mak pui lili munpuang dai e.
2. Kamei rui njianmei kandih khou,
 Kamei thu tingsang ganphiu dai e;
 Hei kandih khou rianra rianriu bam pusini,
 Tingkau thu phung kulou puni e.
3. Ntau kapma bam pu sini na,
 Thie lana amik tangui pukhou;
 Ai ping lakkhe tarou khou rui thao pusini,
 Amik dui thut phui lou puni e.
4. Kandih ram hei khou hei njianmei,
 Champan nun rui pat lou pusini;
 Alung khou hei njianmei ni pat puni e,
 Arana bam pui ding khou teini.
5. Hei kum pusini ai ping lakkhe,
 Alung bumang rianra pusini;
 Lunggei kadanna arana bam pusini,
 Lili puang Jisu rui duang lou ni.

30 Lung rui tingkau ramta ninga

Doh - Bb

8.8.8.8.8.8. 2 korinthian 5:2

1. Lung rui tingkau ramta ninga,
Kandih rianra khang ngam mei guai;
Neilana bam mei tei hou e,
Neilamei lukhuan jangmei tei,
Tingmik thui ai suan bam sini,
Khou tei guangtang khang khuan ngam mak.

Jaukei lou o tingkau guang dai,
Ai hei rianra naangmei tei e,
Ata pap riang rui banglou e,
Nang ram khou tei guang nisini,
Theimei le rianramei ruina,
Tingmik thui ata duam.
2. Lung rui ninga guang tang numak,
Theimei hei tinai lou khou rui;
Rianra rianriumei rui guam liam,
Tangkhang khuan ngam makpui jangrui,
Poubaumei nang bam gaimei tei,
3. Tingmik kathui ai rui ninga,
Ai rui rianramei hei thai na;
Akhang rianra sang khang na de,
Kap bammei hei lung neila khang,
Kandih khou hei phung ngammak ge,
Tingmik thui ninga bam sini.

4. Alau kumma kap bammei hei,
 Poubaumei rui lathao mak san;
 Ai rui rianramei man lakkhe,
 Apanti hei nai bam san khou,
 Tingkau kandih la ngam makge,
 Poubaumei ai guangtang ngammak.

31 Chunsimei muang rui gumliam the

Doh - Eb

8.5.8.6

1. Chunsimei muang rui gumliam the,
Hei kandih khou hei;
Njian liangmei champan thiu le,
Ntam pui gan guang the.

He tam dat nimak ge (2),
Jianmei champan thiu le;
Tingkau bumang than diu kei o,
Tingmik thui duang lou khang.
2. Kalan jingbang tei nai makge,
Raguang thuan ku khang;
Ntam pui gan tei guang datna,
Jianmei nun mik dui kei.
3. Alung hei neilana nangta,
Ning bam kanni the;
Raguang rui jaujianmei lung khou,
Tingkaumei su cham ni.
4. He bumang than duang lou o,
Ntam puni the;
Njianmei nun jangsi bam khou,
Sharon mun guang puang o.
5. Jangsi rikho jianmei nun le,
Ntam kan dikho;
Aban jat hei rui ham guange,
Jianmei guai le salam.

32 Kandih ringmei duiriang hei

Doh - B 10.10.11.11.

1. Kandih ringmei duirianghei luai tat sini,
 Hu thu namdai gaimei kanan ram tei;
 Akhang neilamei pirun tei naguang the,
 Kapma kandih ram khou hei bam sang lakkhe.
 Tingsang lakkhe kandih rianramei guai,
 Kanlou pui khuan tei ai chu lana;
 Guang bampang khou nkhuan-
 Ngammak pui khuan rui;
 Jianmei nun kaumei tingsang lakkhe tu e.
2. Ai bampui ram duiriang hei sang khuan sini,
 Jailoumei pu ganphiu tei jau lana;
 Tingkau nthanmei ram tang lou puni e,
 Khou tei njianmei nun bam cham puni e.
3. Njuan nithe ai tingsang gai pui ram tei,
 Munpuang gaimei guai tei puang tuai lakkhe;
 Lauhiu Nah le tingkau munpuang pui ram tei,
 He nang jei pan khou rui ai guang tang ni.
4. Sa bammei ram gaimei khou guang tang pukhou,
 Thei thu man kan nimei ta ning lakkhe;
 Poubaumei ram tigan loumei guai tei ni,
 Tak makna tingsangjang gan bam puni the.

33 Rianramei guai nai dat lakkhe

Doh - D 8.8.8.8.

1. Rianramei guai nai dat lakkhe,
 Bumang kandih gaipui ram khou;
 Kanloumei guai bam pui ram me,
 Aniu kandih hei kum mak ge.

 Rianramei lung geimeimei rui gumliam,
 Rianramei rui dui kumma dailiam;
 Neila na suanni lu karu khou,
 Gaina hei ram tei guangtang pukhou.
2. Hei kandih hei mu kum makge,
 Rianra khanga kap pui ram e;
 Kanpat lou o bam cham dikho,
 Neilamei guai akhang suni.
3. Kandih khou hei tam kanmei guai,
 Ata kau e duipang ram khou;
 Gaipui ram khou guangtang khap tho,
 Kaniu ban tei hamna kao e.
4. He nthuk ge poubaumei jeih,
 Rianramei guai nangpan khou rui;
 Gaipui ram tei guangtang nu the,
 Kandih rianra ram patlouna.

34 Ntau kathan njianmei pu

Doh - Ab 10.6.10.6.

1. Ntau kathan njianmei pu dang khou,
 Poubaumei ram tik dai;
 Neilamei munrim gaimei puang the,
 Puang tuai dat pulak khe.
 Neila pui kai khou kariu puni,
 Tingkau rimei le bangmei guai le;
 Rianra pui ram khou kalang bammei,
 Pou hukhou neila pui lu suanni.
2. Ai ringpui tingmik hei nai bam san khou,
 Akhang muang kumma jing;
 Aniu rui miram tang pui kan kgou rui,
 Kandih hei ning lakkhe.
3. Hei kumpui namdai tei tangppui kan khou,
 Kandih hei ning lakkhe;
 Ntau karim nam gaimei tei nam the,
 He adi gaini cho ?
4. Ata kanloumei kaipou hukhou,
 Kaguang hukhou bam me;
 Latjan suni kanloumei neila khang,
 Hallelujah Amen.

35 Kanloumeipu jeih tei luangkei

Doh - E

8.6.8.6.

1. Kanloumeipu jeih tei luangkei,
Apap guai khiu than khang;
Kapi thanmei bumkei louna,
Abumang kanlou the.

Laujiu Nah njangmei,
Kalvari khou khang lou;
Laujiu Nah thei kanmei ringthao datthe,
Ata kanloumei e.
2. Apap geimei njianlouna,
Kross rukhou khang louna;
Ngam makmei ata njian lou the,
Tingsang ringmei lakhang.
3. Nei rui kalun jao ngam mak ge,
Kariu tipat mak ge;
Kamei rui apap guai phung lou,
Kross khou thei pui kan khou.
4. Aini api bum kei lana,
Pou rui thei loumei kumma;
Akhang khang lou mei tei ninga,
Pou ta ningtan lak ge.
5. Amikdui hei luang kei sini,
Khang loumei nthuk ge;
Apum hei tipat ngam sini,
Hei tei rui bui mak ge.

36 Kanloumeipu akhang tei rui

Doh - F

8.6.8.6.

1. Kanloumeipu akhang tei rui,
Kandih khou kei lou e;
Ring khang jimakmei guai kumma,
Kross rukhou khang lou the.

He ringmei tei poubaumei e,
Akhang khang lou kan the;
Rianra thei mei nganna khang lou,
Aniu ta kanlou the.
2. Kanloumeipu tari e na,
Kross rukhou kao bam khou;
Meigei mei ding khou tinimei,
Khat sini mei mak ge.
3. Kachang khou tei jao bam lana,
Kalvari ching nganna;
Poubaunei thei lai ngam makge,
Lummei guai sa bamme.
4. Kalung geimei na rianra bam khou,
Nkha lou diu nii e,
Kaning ning tei sulou nituang,
Ai rui ram thai mak ge.

37 Kasubang kabam gaimei khou

Doh - Bb

8.8.9.8.

Psalms 91:4

1. Kasubang kabam gaimei khou,
Kanoloumei guai banthai puni;
Kaniu guai tei tingsang ringmei la-
Pui kan khou neila puni the.

Lung puni lungsuang puni the,
Poubaumei jaojian tei thuanna;
Tingsangjang neila bampuni the,
Kasubang kabam gaimei khou.
2. Kasubang mang bam gaimei khou,
Kapmei rianramei nai lakkhe;
Simei le nthiampui rih daimei,
Mak ge namdai gaimei khou tei.
3. Kasubang mang bam gaimei khou,
Rianra rianriu mei nai lakkhe;
Ringmei duikhun khou dui lou puni,
Gun nphuanmei suang nphuan ni.
4. He' hei khou tei bammei guai tei,
Kandih rianramei khang lakkhe,
Tingkau ram gaimei tei lapuni,
Tingkau rang guai hang puni the.

38 Mikdui luanga ntammei nai lakkhe

Doh - A

13.13.14.13.

1. Mikdui luanga ntammei nai lakkhe thei thangmu,
Tingkau kandih Raguang bampui ram guangtangpukhou;
Tingkau kandih gaimei khou neilana guang bam puni,
Tingkau kandih gaimei khou Jisu le bam chamni.
2. Laujiu Nah nthanmei tei hou puni thei thu rui,
Njianmei ntam kanmei guai le bam cham ni;
Kata thuan ku kariu ni hei khou tei mikdui kei lakkhe,
Rianra jangsimei guai hei nai lakkhe hei khou tei.
3. Njianmei guai le ntammei hei nai dat lakkhe,
Rianra jangsi pui ram kandih hei nai dat lakkhe;
Lili munpuang gaipui ram tingsanga bampui kankhou,
Mikdui keime i rianramei guai hei nai dat lakkhe.
4. Mikdui rou ntam kanmei tatreime i arup nun,
Theime i duipang ram gaime i khou tei bam cham puni;
Tingsangjanga ntam dat maknga lung bam puni the,
Tingkau ram khou tingsangjang nban thai bam puni,
5. Hei kandih mu rianramei le kaplou pui bamme,
Panduithinga mikdui luang keilou pui bam dai e,
Bumang kandih gaime i khou neilana ai guang bamni,
Ganphiu gaime i kanloumeipu Guang supui ram khou.

39 Kapma kalang bam mei

Doh - D 6.6.10.6.6.7.

1. Kapma kalang bammei,
 Ning summei guai luai the;
 Tingkau Salem ram khou bammei nunguai,
 Pap rihta ngam lou the (2),
 Thei meita ping lakkhe,
 He neilana bam kan the.
2. Hei kandih hei jaona,
 Jingmei rui gumliam the;
 Rianamei nanun guai kalang bamme,
 Neila pui kan mun hei (2)
 Puang tuai lou puni the,
 He hei ram ta ai ninge.
3. He nang jei pan khou rui,
 Kau namdai ta nkhuang;
 Duipang njianmei nun bam pui ram khou,
 Khou tei jai kan lou o (2),
 Bumang thanmei nun khou,
 He ai bam kajao ni e.
4. Salem namthan gai khou,
 Ai guang tang puni the;
 Kauh nthanmei nun le kanloumei nun,
 Guang bampang khou dinga (2),
 Neila pui lu suan ni,
 He Hallelujah tuna.

40 Adam tarou jingmei rui kham

Doh - Bb

8.9.9.6.6.

1. Adam tarou jingmei rui kham,
 Mei guai jaipat khang thou guang nicho?
 Kaniu lung geimei tei ti nchu khang,
 Kaniu jang khou thei khang,
 Tingkau Laujiu Nah puan.
 Hallelujah neilana thuan ku o,
 Kau Guang Jubili tei;
 Bethlehem le Kalvari ching ru khou,
 Kanloumeipu sianmiu khuang.
2. Salem bang khou misor namdai,
 Kata kanloumei sianmiu khuang;
 Nangniu kang rui tingkkau Laujiu Nah,
 Jei hang rui karuna,
 Hou mumei namdai khou.
3. Thei thang hou mumei rih thao e,
 Pap rui nang bumang gumliam louna;
 Jeho-Jerie ching ru khou guanga,
 Hosanna sin guanga,
 Salem chuangphei bang khou.
4. Salem chuangphei bang khou ringmei,
 Salem poubaumei rui suaihiammei;
 Jeho-Jerie ching khou bammei guai-
 Rui lai ngam puni e,
 Hallelujah Amen.

41 Getsemani pikuan kgou Jisu rui

Doh - D

14.12.10.11.

Mk. 14:32-36

1. Getsemani pikuan khou Jisu rui kalum bam khou,
Meiguai guang kariuna poubaumei ta nimma;
Karu khou tei lat njan thai mak ge,
Amu daimei nun rui thei khang salou e.

Rianramei muang jingh (2),
Kalvari ching rukhou poubaumeita suluai;
Sau pirun le siang loupui thing rukhou,
Duplou pui bam thai makge poubaumei rui.
2. He Simon Pitor le latdiu lung rianra guai thao o,
Poubaumei ta jai the thei nipui bam khou tei;
Kandih khou keimei tingkauh Guang daimei,
Riana bam khou nkhalou nimei mak ge.
3. Kandih le tingkau khou gaipui lat cham loumeiputa,
Suluai nina cho nangniu Zion nah guai le;
Kamei theimei tingmik tei mu nicho?
Aniu ringpui tuange nangniu ring khang.
4. He seraphim guai le tingkau latdiu nun guai jaolo,
Nkhaloumei maknga rianramei Guang Jisu;
Meinun guai pap phunga rianra bam khou,
Kalung rianrana kapu ta kao bamme.
5. Jaongam makge pourui Jordan duipang kanpat nimei,
Kajang maknga kapi bumkei lou kan ding the;
Kabumang npatlou kandih khou hei,
Pap le rih ta ngamma Jordan dui kan the.

42 Ramgai neila liangpui lat nuhlo

Doh - Bb

9.8.8.8.9.

1. Ramgai neilaliang pui lat nuhlo,
Kandih khou rui phang lana;
Ai bamni e ramgai khou tei,
Kandih lung rianra tuan pu khou,
Ai bamni e hei ram gai khou.

Rianramei abumang tat ro,
Kanloumeipu poubaumei Jisu thei laina;
Nang pap nritmei guai kandih khou hei-
Lou dulana,
Ramgai tei njuanna tatro, tatro.
2. Ninge gaina bammei nun bam tei,
Ramgai kaona lusuan pui bam;
Samthai ethei ngumjaina kum,
Sam kanni e ramgai juanna,
Ringpui thingbang khou samtang ni.
3. Ringpui tingmik tei ningtou pukhou,
Kandih rianramei guai gumliam;
Ai lunggei mei guai hei man khang,
Kanloumei nahnun bam phu na,
He abumang le sam tatro.

43 Hallelujah he hallelujah Amen

Doh - F

11.10.10.9.

1. Hallelujah he hallelujah Amen,
Kalvari jeihang jaujian pan khou rui;
Kapmei leh rianramei ram jingmei khou,
Neilamei tingkau ram rui gan guang.

Neilamei tuai dat mak (hallelujah-2),
Thuanmei su kandiu he Laujiu Nahta;
Kajaujian rui rianramei timan.
2. He bumang thanmei leh neilamei kei o,
Hallelujah tuna rianra ram khou;
Neilana lani e rianra nun rui,
Nangban tei kaniu tingkauh suni.
3. Tingsang rianramei ramguai manpui kan khou,
Neila gaimei Sharon mun gaimei tei;
Tingsanga puang puni tuai dat maknga,
Nangta ning liange nduang lou o.
4. Kandih mei rui thai diu poubaumei ramta,
Tingkau bumang thanmei nun rui neila diu;
Kalvari Laujiu Nah jianloumei pu,
Nangta ninga suanni tingsangjang.

44 Ai nkhuan e Guang daimei

Doh - Bb

7.7.7.6.13.13.

1. Ai nkhuan e guang daimei,
Kandih rianra jingmei khou;
Damloumei Salem namdai,
Gaimei tei ning thuk ge,
Kandih rianramei le jingmei bamkhou bamsini,
Jaujianlouna phungguangmei Puta ningtan makge.

Tingkau Eden than gaimei tei,
Rianra rianriu mei mak pui bam;
He tabui nung guangtang nicho?
Nang tingsang Guang daimei –
Supui ram gaimei.
2. Naguang o kanloumeipu,
Rihdai e kandih khou hei;
Nang jei ruina kanloumei-
Guai lung gei na kap be,
Kandih khou hei rianra lou pui bam e kalvari,
Houmumei guai guange nangta adoumei nun tei.
3. He bui thang cho? Kanloumei,
Zion luangbut gaimei tei;
Pap guai tei tithan diu khang,
Jeih tei luang kei lou the,
Papguai manpui bame tingsang namdai gaimei khou,
Kanloumei guai gaina bampui ram gaimei khou tei.

4. Hei kandih hei man puni,
 Tikgun daimei guai hei ni;
 Kanloumeipu ruina khuam kariu nimei guai ta,
 Kamei jianmei nun rui tikgun daimei lapuni,
 Kamei njianloumei thuanku o, Hallelujah.

45 Bumang samkei o Eden khou

Doh - F

10.10.10.10.

1. Bumang samkei o Eden khou puat guai,
Mungam louna nang ramgai tei juanni;
Houni kagun daimeï kapumma,
Thuanku puilat puan kumma liu louni.

Immanuel nang jaujian pilung khou,
Rianra pui rihdai e naguang datro;
Ngalan guang o aniu ringmei nange,
Nang jaujian pilung khou hei,
Rianra pui rihdai e.
2. He neilamei le suaihiam pui tingmik,
Nang ringmei chang gaimeï khou duang lou o;
He Jordan dui daimeï rui kamuatna,
Kanan ram gaimeï khou kan pat lou o.
3. Sam thaina akhou na kum sam ethei,
Ai ningmei kalvari ching samtang ni;
Kandih ramgai hei ai lou dupu khou,
Neilapui ram gaimeï tei njuanni.
4. He ai neilapui tingmik man pukhou,
Neilamei namdai gai khou ai bamni,
Kalvari ching thuanna ai lu suanni,
Khangloumei tei mu maknga suan bamni.

46 Lung rianramei rui ata gumliam the

Doh - G

10.6.9.7.

1. Lung rianramei rui ata gumliam the,
Theimei chang duang gut khang;
Lummei rui theimei ta ngam lou the,
Kanloumeipu rui kao guang.

 Neila the ntau mu ai ruina,
 Poubaumei njangmei jianthaimeipu;
 Abumang ta kanpat lou the.
2. Laujiu nah bam pui bam guangtang pukhou,
Neilana ariuni;
Theimei Jordan dui kanpat pukhou,
Tingkau khumki khou bamni.
3. Neilamei lungning gaimei naimei hei,
Jisu rui ti tuange;
Kandih neilamei khang suang gai e,
Tingkau neilamei tei mu.

47 Chamloumei Guang puanne

Doh - Ab

10.10.11.10.

1. Chamloumei Guang puan e Bethlehem khou,
Hei tei ramla liangmei kanan ram e;
Jat guaina rui tan rui tat guangtang nu e,
Thu tei ringmei dui nthanna luange.

He lung neilana guang nganah puan puinung,
Neilana suanno lung neila thaona;
Jat kapumma khang rui puan pui tuange,
Thuanno, thuanno hallelujah tuna.
2. Tingsei jingbang phuaiario gaimei ding khou,
Laujiu gangmei rui laujiu gang ban khou;
Jipchung kan khou gabriel rui kei ndaona,
Ringpui lat gaimei phung keilou du e.
3. Khou tei tingkau thu bumang thanmei nun rui,
Kei ndaona kau luh gaimei suan ne;
Thuaihian liangmei poubaumei tikgun daidiu,
Kandih khou ni lung gaimei padik diu.
4. Laujiu gangmei nun rui namdai juanna,
Salem ntak meinun ni njuan ne;
Lungsimeis nun rui kaniu muang rui kalum,
Lung gaimei guai ni lanh khuk lan guange.
5. Neila kho kau le kandih guang puan nung,
Tingkau le kandih rui khuang hiu cham diu;
Guang guaina guang poubaumei thuaihian liangmei,
Aniu panti nganna thuan kho Guang khrista.

48 He kaguang David khuang khou

Doh - E

11.11.11.11.

1. He kaguang David khuang khou kasu banchuang,
Nang ramthan gaimeitei nang rui dam lou e;
Ai neilamei dui kamuat mei tei kumma,
Theimei duipang khou nang janta thuanku ni.

He kaguang tuna nangjan thuanku ni,
Kapumma nang dammei guai tei le;
Kaguang thuankumei khuan tei kao o,
Kandihmei neila ngam kandiu khang.
2. Mei sumak pui hukhou tei kaguang Jisu,
Kajeih luangkei khang ja maknga luang kei lou;
Pa thaina palou latuang khuan e thei mu,
Kandih hei lung geimei maknga khangni e.
3. Kaguang thou tei cho bam khang damloumei tei,
Daniel kumma aini tipma dingni;
Kachak gaimei tei le kajan thukmei tei,
Rianramei teini ai rianrana sui ni.
4. He Immanuel kandih kathan dammei,
Kasan kadiat riatlou la tuangkhuang thei mu;
Rianra khang tat man ngam kanmei guai le,
Kau kagun daipui ram khou kalun hou ni.

49 Jerusalem namdai gaimeiz Zion

Doh - Eb

10.10.9.11.

1. Jerusalem namdai gaimeiz Zion,
Martyr guai le bumang nthanmeiz guai;
Nkhuaimemiz guai khrista pan khou rui,
Bam puni e neikeiz dat mak piu ram khou.

Hallelujah poutikgun dai kandiu,
Hallelujah Amen hallelujah;
Mei ti nthan loudiu khang guang e,
He kaguang Immanuel hallelujah.
2. Kross rukhou rui nthuk pui jeih luang kei,
Jisu jeih nthukmeiz kalvari khou;
Aniuta kanlou khang rui luang kei,
He nthuk ge Jisu jeih hallelujah.
3. Poubaumeita ariu nimeiz nun tei,
Gehem kaipou poubaumeiz Jubili;
Alau nun rui thuanku e pouta,
Nangta thuan e nthukliangmeiz hosana.
4. Jerusalem guang Jisu dailiangmeiz,
Jerusalem khou guang dailiangmeipu;
Guang jan khou guangmeiz ta thuanku e,
Messiah ariuna kao e hosanna.

50 Phang jaolo Tingkau namdai tei

Doh - D

8.8.8.6.

1. Phang jaolo tingkau namdai tei,
Hei tei tam dat mak pui ram e;
Aniu ntam dat khang guang e,
Ning e tam mak pui ram.

Tingsang mak ge kandih khou hei,
Munpuang kumma tuai nuang e;
Ntam mak nu mak ge aniu,
Ntam datmei kandih e.
2. He ninge tam dat mak pui ram,
Nban thaina bamni pui ram;
Tabui nung rui guangtang nicho?
Tam dat mak mei ram khou.
3. Rianrana tam lou kanmei guai,
Buinung rui ariu dat ni cho?
Kandih rianra ram tuan pukhou,
Neilana riu datni.
4. Ninge tam dat makmei namdai,
Kandih khou hei tam bammei hei;
Lung neila lou nipui bam mak,
Hei kandih ram khou hei.
5. Ntam louna kap bam khou hei,
Tingkauh kachak ramta ninge;
Ntam dat lak nipui ram khou,
Tang nimei khuan ngam mak.

51 Tingkum tang the tingkum kathan

Doh - G

11.9.11.11.

1. Tingkum tangthe tingkum kathan thaodat the,
Asei tingkum tingmik than pat the;
Jip bam khou rui jip thao o, lung neilana,
Neilana thuan kho tingmik than patmei ta.

Guang o (2), poubaumei thuanku khang,
Kajaujianmei munimei thou cho?
Tingkum khumma gaina gakloumei pu e,
Tingsangjanga kajan kahim dai kandiu.
2. Tingkum tanga tatmei jianmei nun ramma,
Aniu rui tanpui bam kathui khou;
Sunu-naonian theimei bam khou rui kanlou,
Neilana tanloumei guai thei lai kandiu.
3. Neilamei gaipui lat hei phunga guange,
Poubaumei guang the suaihiam lou khang;
Poubaumei rui nangta neila lou puni,
Siloumei guai tei lunglai na ndao o.
4. Theikum ta ganlouna tingkum than thuanne,
Nang kai kapumma guanga thuanno;
Thei thu poubaumei suaihiammei la puni,
Neilana thuan kho poubaumei kanloumei.

52 Jerusalem dang khou kalvari ching khou

Doh - C

11.10.11.

Isaiah 53:5

1. Jerusalem dang khou kalvari ching khou,
Kanoloumeipu thingru khou jaithao pui bam;
Khou tei buamang thanmei rui duang gutro.

Hou khang ninge kanloumei puta,
Kaphai kaban kanak khou jam tei rui,
Nkhuamei ajang khou rui khanglou the.
2. Judah daimei nun le amuh nun tei rui,
Sinnui lana jao bam Zion pilung khou;
Siangding thing rukhou tei hianbin lou the.
3. Guanga jaolo! kanloumeipu njangmei,
Rianra rianriu khanga Zion pilung khou;
Simei rui gumliamma kajao sithe.
4. Tingkau Guang Nah theinung thanmeinun chunsi,
Kaniu Guang theimeita jao ngam mei makge;
Poubaumei thei puinung kandih jing e.

53 He! Hallelujah Guang dailiangmeipu

Doh - B

10.8.10.10.

1. He hallelujah Guang dailiangmeipu,
Thuanmei rui kandih lik kandiu;
Kandih khou guang dailiangmeipu nang rui,
Mei guai lungning khou lat ncham lou o.

Jaipat dat ro tat man kanmei guai,
Jip rimei guaita nchiang thao o;
Kandih kanloumei guang dailiangmeipu,
Ningsummei le rianramei ram tigan no.
2. Gaung David le jailoumei Mousi guang,
Kandih guang suang dailiangmei nang;
Ntao khrista le bumang thanmei rui,
Amuh dailiangmei banchuanga nang e.
3. He guang dailiangmei le kanloumei pu,
Suaihiamloumei kanloumei pu;
Kandih damthao khou douluamei Laujiu,
Kajei pan rui kandih hei kanlou the.
4. Dui le kandih damthao mak khou rui,
Thaingam bammei Raguang nang e;
Nei le bu le banchuanga guai tei ni,
Nang pan khou ruina gan bam puituang e.

54 Penticos nung kumma he poubaumei

Doh - D

10.9.10.5.

1. Penticos nung kumma he! poubaumei,
Guang lou datro mei kapumma khou;
Tingsang gaimei chang tei man dat mak khang,
Jaipat lou dat ro.

Rianra jingmei ram tigan lou diu khang,
Tikei lou o nang jaujian gaimei;
Pap guaina kaothan khang maichuangmei kum,
Bumang than guang o.
2. Theimei nganna khanga thei kanmei guai,
Kandih neilamei lanimei guai;
Nduang gutro tingsang gai pui ram khou,
Man nimei guai ta.
3. Bumang thanmei njianmei guang dat ro,
Ring nithe pap khou manmei guai rui;
Tingsang ring nimei chang tei thai maknga,
Man ngam kan nithe.
4. Musang lakkhe kross rukhou khang loumei,
Aniu lung jingmei rui gumliamma;
Timan lou o kandih neilamei guai,
Nangta ning dat khang.

55 Tingsanga (2), Raguang ta ning e

Doh - Ab

11.11.11.11.

1. Tingsanga (2), Raguang ta ning e,
Kandih damthao makpui kan khou rui bam e;
Nanglungning thaingam nimei thou nai nacho?
Nang lungning guai thai ngam nimei makge.
2. Tingkum aching akha nang khang neikhat na,
Hei tei nang khang kagan e poubaumei le;
Apanti hei mu mang kumpui tuanga de,
Tingmik kathui kei man the apanti hei.
3. Npuan rui liu kalungmei thingnui panu,
Nanglung puam khourui meiguai thei ngam nu e;
Nang jaujian khourui mei guai ringngam nu e,
Nang rui ramma ring ngam makge poubaumei.
4. Nanglung puam lung khou tukumma ring nicho?
Nangta pinga tabui thang dup lou nicho?
Samthaina duidai pang thang sam tat sini,
Hei tei ni nang bam de apoubaumei le.
5. Kata karana thai nsak tuang mak ge,
Nang tan nthukmei hei sangammei mak ge;
Dup man nipui bam khat nasini mak ge,
Nang lungning guai thai ntang nimei makge.

56 Kajan Zion tumei ram gaitai

Doh - E

9.8.7.6.

1. Kajan Zion tumei ram gaitai,
Ninga phang e tingmik kathui;
Khou tei lung khang jai lou o,
Nban thai pui ram khou.

He ai ninge kanloumeipu,
Lili puang Guang Immanuel;
Nthanmei dui tei luange,
Ai rui hei tei ning thuk ge.
2. Pap le nthiampui rih rui dai e,
Pinge pap rihta adou khang;
He kauh bumang sam kei o,
Aniu ta kanlou khang.
3. Lung geimei rui banthai khang makge,
Hei kandih rianra ram khou hei;
Npat louna tat ni e,
Kauh kanaan ram gai thang.
4. Kalvari siangding kross rukhou tei,
Khang lou the aniu Guang Jisu;
Ai rui hei tei mu lak khe,
Hallelujah Amen.

57 Sion chingdai katuan thang

Doh - G

7.7.12.7.7.5.

1. Sion chingdai katuan thu,
Theimei makpui bam khou tei;
Rihpi daimei Jisu rui kau the chu latho,
Rih adou khang rihmei nun,
Nangniu rih puan piu thao tho;
Thao tho rihmei guai thao tho,
Kao the Khrista rui.
2. Pou Raguang chuangphei tei jaona,
Tiangka khuan tei phai kamma;
Hu thu gut ro rihmei nun,
Buibang sin tipma,
Jisu lat tei ning chui lo;
Pou Raguang chuangphei jaolo,
Raguang rui hu gut puni,
Rihte adou khang.
3. Kandih mei riak phungmei nun,
Raguang lat khou meijak mei;
Seitan rihta pingmei nun,
Athei lai rio,
Kapui kapu lou duna;
Thei khang man khang pingmak mei,
Kathei kari dat mak mei,
Nun rui lai kandiu.

4. Guang o mei nuan phungmei nun,
 Tingkau kandih lakhang tei;
 Tingsang ritho guang khap tho,
 Jisu thei laina,
 Theimei ta ngam lou duna;
 Tarou khou rui thao datna,
 Katik kagun tei daina,
 Tingkau kukan the.

58 Sam thai ethei tingkau thu tei

Doh - D

8.7.9.6.8.7.8.7.

1. Samthai ethei tingkau thu tei,
 Muang le banchuanga ru khou;
 Samthai ethei tingkau ram khou,
 Salem ram khou sam tang ni.
 Kaluang guai kachak dui ruina-
 Luang lik lou kabam thui khou,
 Nang ringmei riu rui gan likge,
 Nang rui jianpui ram gai khou.
 Ai rui ninge tingsang namdai,
 Bumang thanmei nun bam tei;
 Katik gun rui mundui kumma, }
 Ringmei dui tei luang bam e. } 2
2. Hei khou hei bammei nun guai rui,
 Theimei kandih lou duna;
 Kaniu Raguang ram gaimei khou,
 Kaniu mikdui kei lak khe.
 Gun kumma phuan lou ngam puni,
 Kandih lun phung dat lak khe;
 Rianramei guai khang dat lak khe,
 Jisu le bam cham pukhou.
3. Tingsangjang njianmei nun le,
 Hei ramgai khou lung cham ni;
 Kandih khou bampui gan kumma,
 Achun hei gei dat lak khe.
 Kandih khou rianrana bammei,
 Chungsi jangsi kapumma;
 Tingkau namdai guangtang pukhou,
 Nai lak khe kapumma tei.

59 Kagan hei na guang pu the.

Doh - E 13. 8.8.8.

1. Kagan hei nanguang puthe jianmei nun ta tam khang,
 Kandih arup jianmei thiu le;
 Jianmei nun ata mu ri o,
 Tingsang ramgai guangtang pukhou.
 Jianmeinun neilana tatro, ntam dikho salam;
 Nang rih hu khou mai le muang rui,
 Guang Immanuel rui jailou diu.
2. Kandih rianramei rui jing rianra pui kandih hei,
 Njianmei nun ntam pui bam;
 Tingsang ramgai guangtang pukhou,
 Hei kandih hei ning dat lak khe.
3. Kandih rianra duidai khou mikdui luangmei ruina,
 Achang hou maknga bam khou hei;
 Mikdui thut phuina dinlou o,
 Tingsang ring nimei chang khou tei.
4. Jianmei nun ta tam khou rui mikdui luangmei ruina,
 Dui kumma dailou ngam kan the;
 Kandih jingmei rana dithe,
 Neilamei khuan chu dat mak khe.
5. Poubaumei ta lum ethei ntam kanmei guai le,
 Guang Jisu le bam cham puni;
 Khou tei mikdui thut phui lou ni,
 Rianramei mak pui bam khou tei.

6. Pou jan khou ntam louna mikdui luanglou kanmei,
Guai rui kanloumei la puni;
Khou tei rianra kapmei mikdui,
Guang Jisu rui thut phui lou ni.

60 Kandih khou hei kaguang peina kasiam thao the

Doh - A

12.12.12.13.

1. Kandih khou hei kaguang peina kasiam thao the,
Kumsini guang khrista kummei mu puan makge;
Kanloumeipu Bethlehem guai kai khou puan ne,
Tingkau guang thuanku khang kauh le kandih meinun.
Neilana thuanku o tingkau ngana thuan no,
Puanpui nung kandih khou thuanpui luh padik diu;
Tingkau guang ngana puan the pirun runlou o,
Tingkaumei nun ni kei diu thuanku kariu khang.
2. Tingkaumei daimei nunni thuanpui luh suan e,
Kaniu khuan tei laujiu gangmei nun rui chu e;
Guang khrista puanpui bam tei kaniu rui njuan,
Kaniu laujiu lou duna kaguang ta kalum.
3. Duthangmei nun rui mundui rim gaime sinna,
Tingkau ganchuanga rui kaniu ta jai guang lou;
Takuan kai khou kapui Mary rui puan bam the,
Kaniu puat guai lou duna kaguang ta kalum.
4. Kaniu guang Herod tei kalung rianra bam the,
Su mala lou khang rui meinun khou nu bam e;
Kapam nun Judah kandih dang khou bammei e,
Khrista guang daime ta kalum khang tat kan the.
5. Jisu asei hei aniu rui ningmei kumma,
Kathan puan datro tingsang guang daime sukhang,
Aniu bam hei Mary bam kumma ninglou o,
Kagan kathui na khou neila bam kan nithe.

61 Njianpui ram ningtan mak ge

Doh – D

8.8.8.6.

1. Njianpui ram ningtan mak ge,
Rianra ram me khou hei;
Lungbam san hei rianra khang nai,
Ai leini kap pui ram.

Kandih rianramei man pu khou,
Kap pui tingmik ni man ni;
Poubaumei lun hou pu khou rui,
Ning dat lak khe kandih hei.
2. Kalvari nthuk pui jei rui,
Tingkau kaikham lan lou;
Gut la tho he abumang le,
Nang ram tang khang na the.
3. Kapmei rianra mei man ni the,
Jordan duipang thang tei;
He abumang le pat la tho,
Kandih kap pui ram hei.
4. Tabui nung guang tang nina cho?
Tingkau gaipui ram tei;
Kandih ram hei pat lou pukhou,
Ning lak khe kap pui ram.

62 Amuh nun sa kanmei Guang Messiah

Doh – Ab 10.10.10.9.8.8.10.

1. Amuh nun sa kanmei Guang Messsiah,
 Keisaria khou gaipui tingmik tang the;
 Guan than gaimei tihei (thuan no) (2),
 Kau thanmei nun le bumang thanmei,
 Duthang rui guang ntak mei nun,
 Kau ganchuang le thanmei nun rui,
 Neilana Guang than puanmei din lou e.
2. Guang guaina puanmei kum puanpat lou the,
 Bethlehem guai kai khou tei puan lou the;
 Guang Immanuel ta (thuan no) (2),
 Bumang thanmei le laujiu gangmei,
 Du thang rui guang ntak mei nun,
 Kau banchuang le thanmei nun rui,
 Neilana Guang than puanmei din lou e.
3. Kanlou mei Guang Jubili kang khuan tei,
 Kandih le tingkau ram kagang lik diu;
 Guang than gaimei tihei (thuan no) (2),
 Bumang thanmei le laujiu gangmei,
 Nakmei guang kariu mei tei,
 Kau banchuang le thanmei nun rui,
 Ganphiu rui Guang than puanmei dinlou e.

63 Nuhlo noupou pu khuan gaimei

Doh – G

8.8.8.8.

1. Nuhlo noupou pu khuan gaimei,
Muang rukhou ruina kaoguang e;
Laujiu Nah ta thuan ku dikho,
Hosana tuna kao lana.

 Ai guang nithe tuna,
 Poubaumei ruina din lou e;
 Chamdan latho jat guai mei guaina rui,
 Ai guang nimei ting na guang the.
2. Neila nimei ting na guang the,
Nangbang nun rui nkhuang bam mei;
Chunsi mikdui luang bammei ta,
Nduang gut ro Salem kai khou.
3. Neila pui tingmik na guang the,
Nangbang nun rui nkhuang bam mei;
Latdiu guai ni nang ta thuan diu,
Halleluijah tuna kao diu.
4. Neila nimei tingmik guang the,
Ai guang puni tuna samei;
Poubaumei tei Raguangh Na e,
Nangta thuan ne jat guai na rui.

64 Kanan ramthan njuan khang tei

Doh – C 8.6.8.7.8.

1. Kanan ramthan njuan khang tei,
 Jingpui bam khou gin ne;
 Kagan rina achang man the,
 Mai le muang rui gan guang o,
 Ahu khou hei guanga gan no.

 He kanloumei pu bui nung hou nicho?
 Kanan ram tang mak khang lunggei;
 Rianra jingmei muang dingkhou,
 Achun sihna kapma huai e.
2. Nuan phungmei kandih mei nun khang,
 Ringmei dui than patdiu;
 Kaniu nuan tei khiu than lana,
 Kanloumei pu ta hou khang,
 Hei kandih ta ning dat mak khang.
3. Ahu khou ching khat gut kan the,
 Kanan ram gai khou tei;
 Rianra puiam ning dat lakkhe,
 Thei pui bam tuan pukhou rui,
 Ringpui namdai tei njuan ni.
4. Tingkau ganphiu gan pui ram khou,
 Kanloumei pu thuan ni;
 Kandih rianra man lou puni,
 Neila pui lu than suan ni,
 Khou tei bam khang ai neila e.

65 Ai lungmei kandih man puni

Doh – E

8.8.9.5.

1. Ai lungmei kandih man puni,
He tabui nung rui man ni cho?
Bumang thanmei nun le Raguang -
Jao hou khang khuan ngam mak.

Jerusalem jikdui,
Raguang rui rianra kheang mei tei;
Siangding thing kross rukhou jai thauna,
Pap khang kheang lou the.
2. Kheang loumei tei ai ning ngam mak,
Ata jaujian mei Laujiu Nah;
Bethlehem namdai khou puanmei tei,
Raguang Nah dai e.
3. Poubaumei ta ai ning ngam mak,
Kalvari khou kheang lou mei tei;
Adi rianra khuan ni poubaumei,
Muang rui sangam mak.
4. Ai rui mu lak khe poubaumei,
Akhang rui rianra lou mei tei;
Airui thei mei ngan na ning bam ni,
Guloumei puta.

66 Thuanku dikho poubaumei

Doh – G

11.8.11.11.

1. Thuanku dikho poubaumei thuaihian liangmei,
Ka jaujian hei rui kan lou na;
Rianra theimei khou rui aniu ta kanlou,
Ntao hei aniu gaina ariu dat the.

He thuan dikho ‘niu kanloumei puta,
Kabang karu thang tat man kanmei guai,
Man mak nga aniu ariu dat the poubaumei
jan khou,
Thuan pui khuan rui kao kho halleluijah.
2. Nchummei Guang poubaumei khumngai luai the,
Neila pui tan guai ni luai the;
Hei kumma aniu ni tat man ngam khuan the,
Ching le njang kandih khou lung lik khuan the.
3. Welcome bam khou hei aniu ariu dat the,
Abanjat hei rui ham guang e;
Khrista poubaumei khou neila lou ngam o,
Sangai pui tingmik ge pou khrista jan khou.
4. Neila janggai mei tei kathan pat dat diu,
Lung le bumang jip thao dat na;
Aniu khang rui kapmei le rianra kanmei,
Guang Khrista thunku khang kathan sudat diu.

67 Ninga huai e ram gaimei tei

Doh – E

8.8.8.6.

1. Ninga huai e ram gaimei tei,
Na guang o guang Immanuel;
He abumang kau ram gai khou,
Neilana puai ni e.

He nang ramthan gaimei thuan na,
Chingru khou rianramei naguai,
ki ruai kum ma;
He nang tikgun dailiangmei munpuang-
Gaimei tei ai ning liang e,
Ramgai mei tei ning e.
2. Kandih rianra pui ram khou hei,
Mun puang tuaimei kum tuai sini;
Neilamei ramgai tang pukhou,
Gaina jang thak bam ni.
3. Man kanmei guang Jisu jan khou,
Jai guang o khiu than lou ngam me,
Kau ramgai Zion namdai khou,
Ai jao bam ni Raguang.

68 Kabam kathui ai phang jao bam

Doh – E

9.6.5.

1. Kabam kathui ai phangjao bam khou,
Jingmei muang rui gumliam;
Jangsi pui ram me.

He! Kapu kanah bumang thanmei rui,
Jai lou o nang njianmei nang na guai ta;
Nthiampui bam khou rui nduang lou o.
2. Kandih rianra thak nipui bam mak,
He ti nchu lou o;
Poubaumei jisu.
3. Nthak kan dikho njianmei nun,
Mu ri o panti ngan;
Jai loumei put a.
4. He apui apu njian liangmei,
Mpat lout ho neila na;
Tam kan dikho.
5. Mulou rio jianmei champan thiu le,
Poubaumei siamruai su khang;
Khanpat mei e.
6. Meiguai pou nchumpui chang phu kho,
Kum ethei poubaumei;
Lungkiang lou puni.

69 Kagan tat mei guai jana

Doh – F 8.8.9.7.

1. Kagan tat kanmei guai jaona,
 Munpuang tuamei kumma tuai the;
 Tingkau munpuang neila tak makmei,
 Tuai dat pui nung nai lak khe.
 Ai ninge tuai dat mak pui ram tei,
 Pou rui tingsang chamdan lou pui ram,
 Kanloumei nanun bam tan mak ge,
 Laujiu Nah tigun thuan na.
2. Tikgun dai pui ram jao ethei,
 Aniu bam kandih mun kumma;
 Tingsanga tuai dat pui tuang ramme,
 He ninge guang tang diu khang.
3. Kandih neilamei la ethei,
 Kapmei rianramei sungam me;
 Tiring thao lou o bumang thanmei,
 Neila tak mak mei ti o.
4. Bumang thanmei puang bammei mun,
 Ata gaan louna neila the;
 He poubaumei ndiu kei dat ro,
 Nangta ninga thuan ku khang.

70 Kandih khou puanmei tingkau guang

Doh – Bb

11.12.10.

1. Kandih khou puanmei tingkau guang dailiangmei,
Bumang thanmei nun rui neilapui lu rui thuan e;
Thauihian liangmei tikgun daidiu,
Kandih mei nun khang njangmei sudiu.

He tingkau bumang thanmei nun rui,
Bethlehem dang thu kao bamme;
Kaniu neila pui lu khuan rui,
Immanuel guang daimei tikgun daidiu tu e.
2. Chamloumei guang nthanmei tei puan pat the,
David kaikhuang ganchuanga tingsang gangai mei,
Tingsangjang guang tu bam lana,
Kajan thukmei tingsangjang thuan kuni.
3. He bumang thanmei nun tei rui suan datna,
Bethlehem namdai khou ai bampui kan khou tei;
Kaniu khuan le kaniu puan tei,
Alung khou hei tingsangjang thuan kandiu.

71 Adi tingsang tu cho aniu kandih ringmei

Doh – Bb 15.9.15.10.

1. Adi tingsang tucho aniu kandih ringmei tingmik hei,
 Neilamei munpuang tuai dat lak khe;
 Aniu hei ntam dat khang tingmik kathan patdat kanthe,
 Tam dat mak pui ram gaimei tei ninge.
 Ntam makmei samei ram gaimei khou,
 Jianmei nun le nban thaini;
 Gakloumei guang khrista kanloumeipu,
 Neilamei hu khou rianramei tei manni.
2. Kandih ram hei khou hei kapma huaina rianra bamsini,
 Rianramei pang khou ram gaimei nai;
 Kanloumei guang khrista thei laikhou
 rianraloumei guaimu,
 Hei ramgai khou tei aniuni lungni.
3. Neilamei munpuang bam kanloumeipu khrista bampui
 ram,
 Jaolo ai tingmik thui ning bamme;
 Tingkau latdiu nun le njianmei ntam kanmei guai le,
 Tabui nung neilana kariu nicho?
4. He njianmei nun le katan tanh khang tei aleao maknga,
 Kagan hei tingmik thui na guang the;
 Lauthuan ganphiu gan gaimei tei guang khang tingmik
 heicna the,
 Tan hei tan luai pukhou nban thaini.

5. He pou kanloumeipu neilamei munpuang gaimei
 nang e,
 Kandih neilamei munpuang tuai the;
 Nang jau khoutei he pou neilamei tuang kapumma patdiu,
 Neilamei Sharon mun gai nang.

72 Kandih khou rianramei na guai

Doh – G

14.12.12.8.

1. Kandih khouhei rianramei na kabang karumei guai,
Kariu pui nung poubaumei Jisu thuan kuni;
Lung nchamma nang jaujianmei tei thuan ku khang,
Kandih kapmei timan lou o.

Nang bumang rui jai lou dat ro,
Kandih kapmei tan khang;
Neila hou ni e nang njianmei nun,
Mei guai houmu sini,
He nang tikgun daimei sudiu.
2. Salou chamloumei piu makmei nang pan khou rui ringni,
Thukmei nangjei lat hei sathai mak khuan sini;
Ching le njang kandih khou guang kariumei guai,
Ti neila lou khang guang dat ro.
3. He poubaumei alung rianramei ti bam sang lou ri o,
He nang pan khou rui jianmei nun guai ntang the;
Tingsangjanga neilamei tei patdiu khang rui,
Mei guai lungning khou guang bammo.
4. He kandih rianra kapmei guai khang khuan bamsini,
Poubaumei suaihiammei le nthuk pui jei tei;
Meiguai nakhang neila janggaimei sudiu khang,
He bumang thanmei sam kei o.

73 Bui khang jangsini cho?

Doh – Fb

12.12.8.8.

1. Bui khang jangsini cho, ringmei chang tatmei khang,
Rianramei pat louna Raguang khou bam kanthe;
Neila na tingkau ku kan the,
Jisu dang khou tei banthai khang.
2. Tat dukan the rianra rianriu mak pui bam khou,
Sunu naonian mei mak, kagan kalai dat mak;
Tingkau kandih Raguang ram khou,
Khrista Jisu le lung cham khang.
3. Chunsina bam ri-o, jangsina bam ri-o,
Kandih rianra hei ju gan louna kukan the;
Kapma huai bammei tei ruina,
Kari keidat pukhang ram the.
4. Chunsi jangsimei mak, mikdui ni kei dat mak,
Hei ram khou tei aniu guaini kupuni;
Hei kandih hei ganlou duna,
Aniu nuina tat puni e.

74 Ai ninge tingsang lungpui ram

Doh – Bb

8.11.9.13.

1. Ai ninge tingsang lungpui ram,
Tuai dat mak mei kachak dandi namdai tei;
Neimik khang suang gan gai e tu e,
Ai hou ni e hei namdai tei kaumei lungpui bam.
2. Meinun kauh namdai njuan pui chang,
Lai tatna tatman pukhang ai lunghgei;
Pap phung bam khou rui pumtan maknga,
Kauh kanan ramgai gundaimei houmak- khang rianra.
3. Poubaumei bumang rui ramhma,
Thou rui guangtang ngam nicho, kandih khou rui;
Bumang man lou pui bam kandih e,
Poubaumei ai lummei guaita simeit rui kham e.
4. Lummei guai mu tingkauh ram khou,
Neimik khang suang gan gaina ganbam puni;
Kandih khou rianra guai lou duna,
Neilamei rui mun kum puang ni tuai dat pulak khe.
5. Ai rui lung ni kauh namdai khou,
Tingsagna jangthak puni hei namdai khou;
Pou rui damloumei Salem namdai,
Aniu kapumma hei lungni rianramei maknga.

75 Ringmei ram njuanmei nun rui

Doh – F

8.10.9.9.6.

1. Ringmei ram njuanmei nun rui,
He Jehovah jailoumei puta ninge;
Kauh pumtan lana rihsu pukho,
Bumang thanmei rui suaihiam louna,
Kagun daimei lu suan.

He ai bampui ram hei mu jingpui ram e,
Hanguang datro jat guaina lung khou hei;
Khanglou kanmei rianramei guai,
Ringmei kandih tei ai hou khang.
2. Guang ganno ganphiu banchuang rui,
Kanoloumei neimik teirui gan guang datro;
Reikhou kanan khou jailoumei kum,
Nang ringmei duikhun gaime khou tei,
Rianra guai khiu than khang.
3. Nang ram mak hei kandih khou hei,
Kandih rihlung khou rianra bam khuan sini;
Rihpuan piuna ai rih suni the,
Kalvari jaujian lum loumei guai-
Rui seitan ta ngamni.

76 Kanan njang Sharon mungai

Doh – C 8.9.11.11.10.

1. Kanan njang Sharon mun gai,
Rommei nun rui subao louna;
Kandih hei jing the Sharon baolou khou rui,
Gumliammei maknga puina nunhni rianra,
Rim gaimei Sharon mun baolou khou rui.
2. Sharon mungai baolou kho rui,
Kakhou lung rianra loumei nun khou;
Lili rui puang lou kaniu lung jingmei khou,
Kaniu rukhou lauthuan ganphiu rui ganguang,
Kaniu bam neilamei mundui rim lik.
3. Sharon munpuang ganguang datro,
Zeliangrong kandih jingmei khou hei;
Muangrui jinge nangpuan gaimei suliam khang,
Nei rui patna nang puang gaimei ndao o,
Kandihmei rui nang ramgai ta hou khang.
4. Kanan njang Sharon mungai,
Zeliangrong kandih khou guang datro;
Nban thaini the nangbang nun guai ruina,
Ninga nangta phang the kandih mei guuai rui,
Zeliangrong guai rui ni neila ni the.
5. He Sharon mun ta hou ni the,
Tingkauh kandih thu puangmei tei le;
Siangloumei kross rukhou baolou kanmei tei,
Tingkauh tikgun phunga ring dat khou ruina,
Hou mumei pap ta rih sutan puni.

77 Man guang the kandih ringmei

Doh – G

13.13.13.12.

1. Manguang the kandih ringmei tingkauh ganmei nathe,
Ai kalanga jao bam e guangtang nimei ram tei;
Kandih jingbang kum sini tikgun daipui ram tei,
Nanguang the Immanuel namdai gaimei tei.
2. He Jisu duikhun e nang njianmei duidai e,
Kandih khou rianramei hei tingkauh thu gai khang;
Rianramei kandih khou hei lungni nangpan khou rui,
Tik daimei Immanuel poubaumei pan rui.
3. Kauh latjan sumei pu rui jianlou pui jang khou rui,
Rianrana kapmei nun khang tilou nithe tingkauh ram;
Hou khang ninge nangpan rui tingkauh gaipui ramtei,
Nei keidat mak pui ram me jingmei nai dat lak.
4. Neipei rui noupou pu lun hou nimei kum aini,
Hou ni e namdai khang suang jianmei poubaumei lun;
Lanimei guang pirun suang ning thukge timei pu,
Akhang tikgun dailiangmei Laujiu nah tei e.
5. Tingkauh guang njianmei rui kandih tihneila lou,
Rianramei guang lou sini njianmei rui ngam me;
Thuan ku o poubaumei ta thuaiahian liangmei puta,
Akhang tilou kan the Salem namdai tei.

78 Pou Raguang katana ngammei

Doh –E

8.8.10.8.

1. Pou Raguang katana ngammei,
Alung jingmei hei tigan lou o;
Nang bumang thanmei rui duanglou na,
Kapma kalang bammei khou hei.

He tingjauh bumang thanmei,
Lum makmei le lung khuamei;
Ningsum rianra dai pui ram,
Mai rui tikao nthan no.
2. Kandih lun ta hei ning lana,
Pou rui theimei ngan jai lou o;
Kandih mei riak le neilamei guai,
Tingsang man kan nituang de.
3. Israel jat nun tei ruina,
Apoubaumei ta tang lum bam;
Egypt ram le rei khou lun ninga,
Chang dak khou mei peina thei the.
4. Njianlou o he pou Jisu,
Ringpui chang hei tithai lou o;
Ai ninga kap tanh tanna bam the,
He lathao lou o poubaumei.

79 Gundai pui tingmik tang khang

Doh – G

9.10.10.9.

1. Gundai pui tingmik tang khang nathe,
Chamloumei guang le kandih champan guai;
Kauh thu rui khuangpui le nra rui,
Ata kao e kanloumei pu rui.

Gundai pui tingmik khou,
Kanlou khang chamdan na bammo;
Kaguang bampang khou ding khang tei,
Poubaumei tan hei tan dikho.
2. Reinung Noah rui ringpui kan khou,
Ningtou lana simei guai gan ngam mo;
Man ngam puni aniu kandih hei ni,
Gulou puni champan jat guai ta.
3. Kachak namdai khou guangtang pukhou,
Miram khou tei aniu nban thai ni;
Lung rianramei le kapmei nai lak khe,
Guloumei nahnun le ncham ni.
4. Kandih khou gaimei ta ai ning the,
Hei ramgai khou tei guangtang nipui nung;
Guangdaimei guai le poubaumei daimei,
Ringpui san thuan kho guang Khrista ta.

80 Gaipui ram ninga kabam thui

Doh – D

8.10.12.5.

1. Gaipui ram ninga kabam thui,
Ai puai tat sini gaimei ariu mak;
Ai lungpui ram hei patlou puinung tang puni,
Ai kap dat lak khe.

Ai ningmei ramtei munpuang rui padikge,
Rianramei tei nai mak nangpan rui;
Guang tupui ram gaimei ram la puni.
2. Ai nruai kum samthai ethei,
Tingkauh thu tei ai hei sam talana;
Kalvari chingbut banrao thing rukhou tei,
Ai guang tou jao ni e.
3. Champan jianmei bam chamm ethei,
Chunsi jangsimeimei hei kim puni cho?
Chunsi jangsimeimei hei kim kasuan pulak ge,
Kapmei ni tan mak.
4. Chunsi jangsimeimei khang sulou,
Kauh Raguang rui suaihiammeimei rui gaina;
Bumang kandih thu tei bam cham lou puni e,
Kandih kathan thu.

81 Pou rui khang loumeio tei ninga

Doh – B

7.6.12.10.

1. Pou rui khangloumei tei ninga,
Kap lak nituang ham me;
Kabiang kaphiloumei le bailoumei guai tei,
Ningtou puinung kap pui lu tei suanni.

Adi su cho khang loumei tei? (2)
Kandih guloumeipu jai kanthe tarou thang;
Poubaumei njangmei su rianra ni.
2. Judah nun rui tithei khang tei,
Ningtou bam pusini;
Aithu ning bam makge poubaumei njangmei,
Akhang rui nkhuamei sulou kanthe.
3. Pou rui theimei tei hou lana,
Mei guai neila bam me;
Neila makmei nun rui kapma kapum puanpat,
Tarou lung khou tei tijip lou kan the.
4. Thao dat kan the kanloumeipu,
Banthai ram njuan khang;
Olive ching rukhou tei muang rukhou dunglana,
Gaipui ram njuan the kanloumei pu.

82 **Rei khou mousi rui kanan ram njuan**

Doh – D

10.10.11.9

1. Rei khou Mousi rui kanan ram njuan,
 Nduang ngam mak Raguang lat tei phunga;
 Kanan ram gundaimei le gaimei tei hou,
 Lumma ninga kap ni maknga cho?
 He ai rui kanan ramgai mei tei,
 Apumtan rui guang lungtang ngammak;
 Reikhou guang Jehovah rui jailou na,
 Kanan ram gaimei guai tei hou puni.
2. Kanan riu tei tingthan patmei kum e,
 Jailou Mousi rui guang khang nduanga;
 Jordan duipang thangtei bamlou dumaknga,
 Njianmei nun ta jai pat lou the.
3. Lungning gaimei ram ta tei ning lana,
 Guang ram gaimei tingsanga gaipui ram;
 Khoutei guangmei kankhou ramgaimei lungkhau,
 Kapumma mun kumma puang louni.
4. Kanan munpuang le ram bam gaimei khou,
 Jailou Mousi rui thei nganna lung khang;
 Lumloumei nun Salem than ta thuan ku the,
 Israel nun ni lumlou dat the.

83 Adi nthuk tucho kanloumeipu

Doh –B 10.12.11.

1. Adi nthuk tu cho kanloumeipu,
 Kalvari ching thang tihou loumak nu makge;
 Kandih tan rui alung padik ngam lou khou rui.

 He lungning than makmei nun,
 Akumma tat nicho nang bumang rui hamma;
 Rianramei rui thei pui bam khou,
 Duang man ngam the.
2. Guanga tigai lou o jei kei pui bam,
 Rianra theipui bam khou rianra bammei nun guai;
 Jaipat lou datro tingkau ringpui chang khou tei.
3. Seitan bantan tei mun kumma tuai diu,
 Nangbang nun lungning khou neilamei padik diu;
 Nang kandih gaipui ram khou tei guang pu nithe.

84 Aniu nkhuang bammei tinkum tang the

Doh –E

10.7.6.6.

1. Aniu nkhuang bammei tinkum tang the,
Neilana lusaun di kho;
Poupei riak ning maknga,
Aniu huthang jao kho.

Neilana thuankue nang kagan tinkumm gaimei,
Mei guai lungning mun kumma tipuang lou o,
Kandih mei riak ta ning dat mak khang.
2. Chunsi jangsi tuang guai man kanmei hei,
Tinkum kathan guang hou dat;
Khang nang pan khou rui na,
Thuan diu mei kapumma.
3. Suaihiammei tinkum hei man kan sini,
Jisu jaujian tei akhang;
Jat kapumma guai khang,
Tinkum than hou dat diu.

85 Meilung rianramei kandih khou hei

Doh – E

9.9.9.11.

1. Meilung rianramei kandih khou hei,
Lung rianra mikdui keina khuan bam;
Tak maknga poubaumei duang lou o,
Jat guai rianramei hei mun kumma puang diu.

He samguang o poubaumei thanmei,
Kalvari khou jaujian loumei tei;
Him chuangphei kumma aniu rukhou,
Kajit bammo mun kumma puang dat nu khang.
2. Nang ram gaimei tei ai hou sini,
Ai neila ngam makge poubaumei;
Alau kumma jat guai kap bam khou,
Jat guaina ta nang rui tigai lou ngam mo.
3. Nuang rui ata gumliam bam sini,
Theimei rianramei khou bam sini;
Poubaumei ti o ringmei bumang,
Jatguai rianramei hei mun kumma puangdiu.

86 Kagan tinkum hei tat the

Doh - F

7.6.9.11.

1. Kagan tinkum hei tat the,
Rianra bammei nun guai ni;
Neiriu gaimei kandih munpuang guai,
Matat khat nakhou man dat nimei ram e.

He atingsang namdai neila pui ram,
Kanloumei nanun bampui ram ai juanni;
Rianramei le mikdui kei mei,
Nai dat lakkhe kapmei rianramei guai.
2. He kandih rianramei le,
Mikdui ruina luang liam lou;
Riannra kalang bampui ram khou hei,
Pat louna tat ni e kanloumei ram khou.
3. Rianramei guai tuan lana,
Kandih munpuang gaimei guai ni;
Kandih neilamei guai man puni,
Munpuang kummei tingsang ramta ai ninge.

87 Duipang ramgai ai guangtang pukhou

Doh – D

9.10.9.10.

1. Duipang ramgai ai guangtang pukhou,
Kandih man kan nimei ta ning lak khe;
Hei kandih apumta ning lakkhe,
Ringmei thingbang pou Khrista ta ning e.

He ning e poubaumei ram tei,
Khou lung rianra nai ldat lak khe;
Akhang chamdanmei duipang ramkhou,
Thaodat kanmei guai bammpui ramtei.
2. Hei ram tei ninga achun si e,
Laujiu Nah le kanloumei bammpui ram;
Hei kandih ta gan louna tat ni,
Hei ram tei ai guangtang puni e.
3. Kaniu hukhou tei gan puni e,
Tuna samei khuan tei chulou lana;
Kandih rianra pap gei pui ram tei,
Tuan puni hei ram guangtang pukhou.
4. Khou tei khanga tat kanmei guai tei,
Rianramei guai rui neilana bamme;
Kanloumeipu le kanloumei guai,
He tam maknga bam nipui ram khou.

88 Kei o tingkauh thanmei

Doh – G

8.6.8.6.

1. Kei o tingkauh thanmei khouna,
Nangbou keiduan bammo;
Alung khou hei Raguang jaujian,
Louna lung jang ti o (3).
2. Kandih man dat nimei lung khou,
Alung gut lou ngam the;
Tingsangjang ring nimei biak thu,
Alung gut dat mak khe (3).
3. Alu ramsuan ni gaikhang mak,
Meilung gut khang mak ge;
Gaipui lu ni suan kim nuang e,
Ai lummei nthan mak (3).
4. He Raguang jaujian hei kumma,
Asan bam nina cho?
Nang jajian phu ngam makmei tei,
Ai rui thai ngam mak ge (3).
5. He tingkauh bumang thanmei le,
Bam tan ri o alung khou;
Lungning thanmei le njangmei,
Alung khou tilou o (3).

89 Raguang jan khou kariu khang tei

Doh – A 8.6.8.6.

1. Raguang jan khou kariu khang tei,
 Guango mei naimei guai;
 Jaujian loumei hei thuan ku kho,
 Neila pui lukhuan rui (2).
2. Mei guai rih sukhang ping ri kho,
 Nthiampui rih tani;
 Aniu theimei ngan na dou kho,
 Seitan rihdai khou tei (2).
3. Arup njianmei nun thiu le,
 Sup ping pinglou ri o;
 Aniu pumni bumang hei ni,
 Jisu rui gak lou ni (2).
4. Aniu rianra rianriu sini,
 Tingkauh ram la puni;
 Khou tei Raguang rui ti puni,
 Tingkau pirun tei ni(2).
5. Hei jang khou rui kamthao dikho,
 Seitan rih adou khang;
 Rihpi jan sanna lusuan kho,
 Hojam tei ni kao na (2).

90 Tingkum kathan guang dat

Doh – E

8.8.8.8.

1. Tingkum kathan guang dat puthe,
 Chunsi jangsi pui tuang gei e;
 Kabam kathui phangjao bam khou,
 Njianmei nun guai ntang mak.
 He buithang bam cho jianmei nun,
 Poubaumei tingsang gai pui ram;
 Guango he ringmei mun gaimei,
 Rim gaimei mun tei la dikho.
2. Kagan tei rui tak dat lak khe,
 Kachak namdai gaimei khou tei;
 Rianra rianriu mei nai lak khe,
 Tingsang gaichui pui ram khou tei.
3. Ai ninge njianpui ram tei,
 Juan dikho rianra ram khou rui;
 Tingsanga Salem namthan gaimei,
 Njianmei nun bam pui ram tei.

91 Man guang the aniu kandih

Doh – G

11.9.8.6.

1. Man guang the aniu kandih ringmei tingmik,
Neila pui tingmik ni man ni the;
Tingmik thui neila khang mak ge,
Nulo nang ring bam khou.

Kandih champan jianmei ntamdat kansini,
Neilana lung khat na suna;
Hei kandih ringmei dui sini,
Apoubaumei tanh tan dikho.

2. Jingbang jingmei le kalat ncham khang tei,
Kandih rianramei su katuak ge;
Alung geimei su man lou o,
Kapmei hei timan no.
3. Poubaumei nduango njianmei guai ta,
Nang bampui ram gaimei hou khang tei;
Ntam mei hei nai pulak khe,
Lung geimei pang thang tei.
4. Kandih kapmei guai le ntam ping lak khe,
Ganchuanga guai bampui ram gaimei;
Lutei suanna ruak tei gaina,
Kagun dai tingkauh ram.

92 Guango mansei nanun guango

Doh – G

8.7.8.7.

1. Guango mansei nahnun guango,
Damloumei pu Raguang khou;
Lat hei gaipui ringpui lat re,
Ai phung guang the guang king o.

Hei nade gaimei ringpui lat,
Hei nade bumang ring khang mu;
Raguang Nah Jisu Khrista tei,
Aniu khang rui tilou the.
2. Mundan rakhang napkao ngaimei,
Gan ngammo kapumma tei;
Hei tei gai khang gang khang mak ge,
Hei tei man tuange nang khang.
3. Latjan sukhang tingmik nathe,
Katumma lunglai latho;
Panti tingmik hei luai pukhou,
Guang puni latjan tingmik.
4. Latjan sukhou khuai mak khang mu,
Jisu khou gutmei nade;
Hei tei rammak baimei thu mak khe,
Jisu nade ring khang mu.
5. Kei puni kaguang Khrista tei,
Tingkkauh thanmei nun guai le;
Bumang kapum khuam kariu na,
Latjan suni kapum ta.

93 Kanlouna hikuak khat ku kanthe

Doh – G

9.9.9.9.

1. Kanlouna hikuak khat ku kanthe,
Jisu ringmei hikuak rui jailou;
Rih kapumma ta ngam tang lana,
Jailou ni tngkauh kandih khiou tei.

Gaipui ram khou gut ni (2),
Hikuak khou guang ku-o;
Puh le chai.
2. Hei kandih sipui ram pat louna,
Zion ram gaimei nah su latho;
Khou tei nanng pap guai man ngam puni,
Nang rianra rianriu guai ni man ni.
3. Kaman maknga jai kanlou puni,
Nang ta jaujian pui jang khou ruina;
Tabui khang nang rui guang nian tucho?
Guang latho jianlou pui ding khou hei.
4. Kanpat pui gan hei tatri ethei,
Ngalan dat pulak khe kao sini;
Kanpat mei lalou makmei guai tei,
Kap puni duidai pang hei khou tei.
5. Jisu rui nangta jian na kao the,
Hih khou guang ku o nuan phungmei guai;
Nban thai pui ram guangtang puni,
Pou Raguang jianmei khou gut puni.

94 Lung geimei jingbang khou

Doh – A 6.5.12.6.

1. Lung geimei jingbang khou,
 Guang daimei Jisu rui;
 Hei tei ajanne, ajei hei tujang mei rui,
 Ata ningtan mak khang.
 Poubaumei la ni mak,
 Zion pilung khou tei;
 Khalou nimei maknga,
 Siangding kross khou dup the.
2. Jaolo hei khou tei rui,
 Tat patkan puni the;
 Nkhuamei khang phulou,
 Poubaumei thanmei ta,
 Rianramei khou jai lou.
3. Latjan tei luai lana,
 Kalvari ching thang tei;
 Amu daimei nun le,
 Rihmei bui sinmei le,
 Poubaumei ta jai tat.
4. Njangmei poubaumei,
 Rianramei kross phunga;
 Houmu nun rui jai na,
 Kalvari juan na tat,
 Khaloumei maknga tat.

95 Nthukpui tingmik tang nithe

Doh – E 8.7.8.10.

1. Nthukpui tingmik tang nithe,
 Nkhuanmei Immanuel;
 Pap le seitan man puinung rui,
 Kanloumei guai rui guang bam kariu ni.

 Hei kumpui kan khou neilana suanni,
 Pourui damloumei tingsang gaipui ram akhang;
 He adi gai nicho, he adi gai nicho?
 Neilamei nai tan dat pulak khe.
2. Tabui nung nicho poubaumei ?
 Gaipui tingmik tei hou khang;
 Jordan dui tei kanpat pukhou,
 Akhang tingkauh ganchuanga kum ganni.
3. Kum kandiu tingsang poubaumei,
 Nangjei rui kanloumei guai;
 Nangjei rui liu loumei guai tei,
 Akhou guango tuna salou mei tei.
4. He namthan daimei gai dinge,
 Damloumei namthan gaimei;
 Ngammei luthan gaimei guai tei,
 Kandih hei luai puinung ai rui suanni.

96 Asei kandih man nipui nung

Doh –G

8.7.8.7.

1. Asei kandih man ni puinung,
Kum the aniu tammei hei;
Raguang rui suaihiam ntangmei –
Tilou o nban thai khang.

Ntam puni the aseihai,
Chunsi jangsi rui padik ge;
Raguang rui nduanglou kandiu,
Aniu guai tam kansini.
2. Aniu hei ntam kansini,
Jailou o nang jaujian rui;
Ganglou makmei laujiu na kum,
Patlou ri o aniu guai ta.
3. Jianmei nun ta ntam lana,
Chunsi jangsi rui padik;
Ntamloumei chunsi mikdui,
He Raguang thut phui lou o.
4. Raguang rui jaujianmei lung khou,
Neilana bam cham datni;
Tingkauh kandih guangtang pukhou,
Sulak khe chunsi salam.

97 He ninge kalvari ching khou

Doh – E

8.8.7.

1. He ninge kalvari ching khou,
Kanloumei pu jei luang kei e;
Kandih pap nthan diu khang.

Theipui bam kalvari ching rukhou,
Poubaumei jangsina bamme tu e;
Ninga jao nthiammmei muang jingbang khou.
2. Nthiammei rihdaime i lungkhau,
Kandih rianramei rui padik;
Ai guangtang ngam nicho?
3. Kaje i rui na lou nthanmei,
Karam gai khou nban thai ni;
Tuai dat makpui mun suni.
4. Gun kumma nphuan pui bam khou,
Abumang rui guang tang ethei;
Ringmei mun tei ai suni.

98 Poubaumei ta ariu nimei nun tei

Doh –Ab

10.8.9.9.

1. Poubaumei ta ariu nimei nun tei,
Neilana gaina ariu khang;
Kachak namdai khou guangtang khang tei,
Jaujian louna nduang lou datro.

He suaihiam lou o aniu guai ta,
Munpuang gaimei tei ai ning tan mak;
Nduanglou o nangbang nun guai ta,
Nangriu tei tikei lou datro.
2. Njianlou o nangbang nun aniu ta,
Karim gaimei munpuang ruin a;
Nang ram tei airui na ning tan mak ge,
Nangriu tei neiriu khang suang gai e.
3. Gan gaimei tei Jisu riu dai e,
Aniu ruina nangta ning khang;
Laujiu na guai le bam diu khang,
Hosana tuna kao lou dat khang.
4. Jerusalem than gaimei damloumei,
Kalun gaimei Raguang rui na;
Muang rui gumliamme nang lun gaimei,
Nei rui patna ndao lou datro.

99 Jaolo ringmei nthuk pui jei

Doh – G 8.6.8.6.

1. Jaolo, ringmei nthuk pui jei,
 Ntao hei ni luang bam;
 Mikdui keiloumei pu jei tei,
 Gun kumma phuanpui tuang (2).

 Gun kumma phuanpui bamkhou louna,
 Thou puni lou nimei guai tei;
 Pap guai khiu than lou ni.
2. Kanloumeipu kalvari ching khou,
 Rianra rianriu khang lou-
 Khou rui nthukpui jei patlou,
 Gun kumma phuan pui tuang (2).
3. He mei geimei ta nuh puni,
 Hei jei hei luang bam khou;
 Nthukpui Nah ta ningmei rui,
 Gun kumma phuan puni (2).
4. Poubaumei tei kei dat puni,
 Kamei nun ta lakhang;
 Nthukpui jei ningmei narui,
 Tingkauh ram la puni (2).

100 **Thanpui ram khou guang puanmei**

Doh – Eb

8.9.9.5.10.11.

1. Thanpui ramkhrou guang puanmei tei,
 Tingkauh ganchuanga rui njuan ne;
 Ntakmei kata phumei nun rui,
 Ganchuanga ta jao na,
 Ata banchuang ganmei tei rui na,
 Guang puanpui bam Bethlehem jai gaungtang lou.
 He Bethlehem ching gaungtang maksan,
 Thak maknga ai tat ni;
 Kalan ganchuannga rui jai guang louna,
 Mary rui puan bammei nga na ta hou ni.
2. Tingsang Salem changmun daime-
 Tei akhang rui lanlou dat kan the;
 Man pui kandih khrou bammei nun ta,
 Ningtingmei ti sulou,
 Neilana thuan kho Guang than puanmei ta,
 Kandih hei tingsang gaipui lu padik diu.
3. Adi neila cho guang than ta,
 Tingkauh mei nun rui tithai lou the;
 Kata ninga tingkauh mei nun rui,
 Kandih khrou hei jao kei,
 Tingkauh ganchuanga nang rui bam phulou,
 Puanpui bam Bethlehem jai gaungtang lou ni.

4. He tat dikho aniu tao hei,
 Gaipui ram njuan na tat dikho;
 Kandih guang nun rui jaoji sini,
 Mei kapumma rui ni,
 Guang dailiangmei e ai ning thuk liange,
 Tingkauh gaipui ram jaiguang tang lou puni.

101 Kandih khou hei gailiangmei

Doh – E

12.13.7.12.

1. Kandih khou hei gailiangmei poubaumei Jisu,
Tingkauh kaguang bam lou duna rianra khang e;
Rianramei tei thai sini,
Thei khang tei ping makge poubaumei Jisu.

Gai pui tingmik (3),
Poubaumei puan ne.
2. Nthanmei bangpui khourui puanne Jisu tei,
Kandihmei lun kumma ngana suna puan the;
Bethlehem kailuang lakhou,
Khoutei poubaumei puanne mansei lun phunga.
3. Raguang rui kana ndiu louna jao bamme,
Papbang nun guai rui kanloumei bam lakhang tei rui;
Bumang thanmei la khang tei,
Kandihmei pap phung lou khang ndiu keilou the.
4. Kagan kathui kanpat pui bam lakhang lat din lou,
Kross rukhou rianra khanga kajei keilou kanthe;
Tarou khou neithum jipma,
Kapu bam khou bamdat khang tingkauh kukan the.

102 Alung rui ninge tingkauh ram tei

Doh – C

9.9.9.9.

1. Alung rui ninge tingkauh ram tei,
Tabui nung ai guang tang nicho?
Njianmei guai le ntammei guai,
Miram khou tei souriu dat khang.

He Raguang nang tingsang ram khou tei,
Jailou ganglou dat ro;
Tabui nungrui ai khoutei guangtang nina cho?
He Raguang kandih khou rianramei na guai.
2. Tingkauh chang njuan na tat bam khou,
Chang dinlou o he Raguang Jisu;
Nang ramgai tei ai rui hou ni e,
Tabui nungrui ai guangtang nina cho?
3. Kandih khou tam kanmei jianmei guai,
Tabui nung rui guang tang nina cho?
Nang ramgai tei guangtang puinung kiu,
Neilamei pari ra cham ni.

103 Kalvari ching ngammei luangbut

Doh – C

8.8.8.8.8

1. Kalvari ching ngammei luangbut,
Kauh rihmei guai rui thuan ku e;
Mei guai rui ni thuanku puni,
Kanloumeipu jei hang ruina,
Man kanmei guai ta kan lou e,
Hou mumei guai ncham puni.
2. Ching kapum khang suang kalvari,
Katik kagun dai tap tap be;
Khou tei guloumei dui luang e,
Kandih ram khou hei luang kei e,
Mei kapum ta tiring dat the,
Tingsanga ring nipui dui e.
3. Pap kuak pui bam kalvari ching,
Mei guai pap khang rui thei lou e;
Thei mei guai tei ni ring dat the,
Guloumeipu puan lou khou rui,
Kandih mei pap khang lou kan the,
Ti chum lou the kandih mei ta.

104 Guang Khrista puan pui nung

Doh – G

12.13.9.13.

1. Guang khrista puan puinung kandih khou ganmei nai,
Bethlehem kailuang lakhou munrim gaime i puangthe;
Ganchuanga rui ata duanglou na,
Bethlehem namdai gai khou kaguang ta kalum ni.

Kaoliangmei khou (2),
Raguang himdai mei sudui; }²
A.... men, A...men,
Raguang himdai na bamdiu,
Amen.
2. Bethlehem namdai gaime i gailiang singmei e,
Nang janta kandih meirui he mukei thui makge;
Nang khou ruina tingkauh guang na puan,
Mary rui puan bammei Immanuel ta hou ni.
3. Khrista ariu dat mei hei Bethlehem pan ne,
Hou nie tingkauh guangna kei puanlou puibam tei;
Neila e tingkauh banchra lukhuan,
Alung khou ninga bamme amu dat jat lak khe.

105 Asei tingmik patmei hei

Doh – E 7.7.7.7.

1. Asei tingmik patmei hei,
 Ai ruina ning ngam mak ge;
 Ai ninge tam mak pui ram,
 Tingsangjang lung nimei pui ram.
 Tabui lat sani na cho?
 Aniu ntam nimeii hei;
 He ninge tam mak pui ram,
 Tingsangjang lung nipui ram.
2. Tat kan the njianmei guai,
 Tingkauh ram thang njuan na;
 Aniu tat pui chang bai e,
 Jailou na nkhalou o.
3. He Raguang tam kan ni the,
 Aniu champan jianmei ta;
 Aniu bampui bam thui khou,
 Njianmei champan thiu le.
4. Hei kandih rianra ram khou,
 Kapma ntam dat sini;
 Tingkauh ram tangmei kan khou,
 Aniu ntam dat lak khe.

106 Rianramei kaguai nai dat lakkhe

Doh – D

9.7.10.10.4.

1. Rianramei kaguai nai dat lak khe,
Tingkauh kandih tang pukhou;
Mikdui keimei guai thut phui thanlou ni,
Neilamei kauh mun hei tuai dat la khe,
Kauh kandih thang.

Ntampui ban sin kariu louna,
Chunsi jangsi kapma huai bamme;
Kandih khou ntam lou sini,
Tingkauh thang ariu ni tu e.
2. Kauh kandih tangpui kan khou ruina,
Pap le seitan man puni;
Salem chang mun gaimei tei akhang e,
Njianmei nang ta ntam lou sini,
Kaplou ri o.
3. Laujiu pang khou rui ntam louna,
Adi kha chunsi ni cho?
Guloumeipu rui jai guang lou datro,
Tat dukan the jao lana ai kalun,
Hou dat mak khe.
4. Sharon munpuang le ganguang datro,
Bumang thanmei sam guang o;
Lung nipui ram kau kandih gaimei khou,
Neila tak maknga lung bam puni the,
Jianmei nun le.

107 Ntam lou the njianmei nun guai salam

Doh – E

11.8.10.10.

1. Ntam lou the njianmei nun guai salam,
Kandih mupuang guai tuai ngam the;
Lung gaimei lung simei tei mak khe,
Tat the lung khou mu maknga rup salam.

Salam, salam salam,
Aniu riu dat mak san khou;
Kauh ramgai khou bam cham puni,
Tammei nai dat lak khe salam.
2. Ntammei neih tei asei tingmik pat puthe,
Ningmei le jangsi mei maknga;
Raguang rui la kumma tat kan dikho,
Arup njianmei nun ntam khang salam.
3. Tat tho arup, tat tho ntam kan dikho,
Ntam maknga aniu guangmei hei;
Kandih rukhou mei guai nata ntam,
Lung geimei maknga ntam khang salam.

108 Kandih champan guai ntam nimei hei

Doh – D

10.10.

1. Kandih champan guai ntam nimei hei,
Tingmik kathan pat datro gai khuan o.
2. Hei kandih khou hei lungkiang lou khang mak,
Tingmik kathui simei rui gum liamme.
3. Neikhat neila lu tei suan cham sini,
Munpuang tuamei tei kumma tuai lou the.
4. Ntam nimei hei kandih jangsi e,
Ram le thing nui chung ngam the guang datro.
5. Kauh ram gai khou tei ntammei makge,
Khou tei ariu dat khang rui tam lou the.
6. Kandih rukhou hei banthai khangmakge,
Munpuang tuai meitei kumma tuai nuang e.

109 Lauthuan neimik kumma ganmei

Doh – Eb

8.8.12.6.

1. Lauthuan neimik kum ganmei pu,
Kei puinung sangaimeisuni;
Guang puni the tingkauh thanmei nunle kamei,
Champan jianmei nun le.
2. Hei kandih rianra pui ram khou hei,
Ntam lak nipui bam kandih khouhei makge;
Pou rui damloumei kandih nai,
Neilana bammei tei aniu lani,
Arup jianmei nun le.
3. Lauthuan tingjin tei tat man kan the,
Aniu panti guang puni the;
Tingkauh Jerusalem than gaimeis namdai khou,
Neilana sangaimeis tei aniu lani,
Champan jianmei nun le.
4. Jianmei nun tei ariu ni kauh thang,
Kandih ringmei thingbang lim khou;
Neilamei luthan tei suan ni halleluijah,
Raguang jan tei sinna aniu lani,
Champan jianmei nun le.

110 He poubaumei apu Raguang

Doh – D

8.8.8.8.

1. He poubaumei apu Raguang,
Bui khang ata gan lou tu cho?
Ai rui na nangta kalum e,
Nangta kalummei lalou o.

 Ai rui kalummei mu nicho?
 Lalou o ai rui kalummei;
 Baime i ta ai kalum makge,
 Njian thaime i nangta ram mak.
2. Joukhiang ruina ariu ngam mak,
Bui rui biumei ndun ngam mak;
Kross khou kaje i hang tei luang kei,
Hei tei rui anuan khiu than lou.
3. Arimathia khou kaipou pu,
Raguang ta nkhu an bamme i e;
Pilata hukhou ping mak nga guang,
Poubaumei pum tei guang nei
4. Jao khang tatme i kapui pam tei,
Ringthao dat kanme i ta houna;
Jingbang le kalan kathum khou,
Thao kan the tuna salou e.

111 Reinung mujung guai rui sakan mei

Doh – Bb

10.8.9.8.

1. Reinung mujung guai rui sakan mei kum,
 Asei hei khrista puan lou the;
 Kamei himdaime Raguang nah e,
 Kakhou chujangmei nai kan diu.

 Khristamei guai neila janggai o,
 Khrista puan lou the;
 Aniu tat dikho Bethlehem nganna,
 Kata kalum khang,
 Himdaime guang nah,
 Chujangmei nai diu.
2. Laujiu gangmei guai laujiu gang bam khou,
 Banchra him rui kaniu dang gan;
 Neila jang gaime lat ai phung guange,
 Nangniu khang Khrista puan the.
3. Banchra guai rui Raguang him ta thuanne,
 Suanne kaniu neilamei lu;
 Tingkauh thu Raguang himdaime su diu,
 Nban khou nchu njangmei nai diu.

112 Ping maknga tatro abumang

Doh – D

8.8.8.8.8.8.

1. Ping maknga tatro abumang,
Khou tei Zion ching rukhou tei;
He ching tei kao e nang tatro,
Khou tei thing kross tei nang jaolo,
Khou tei poubaumei ta suluai,
Kapum nthanmei kajei luang.
2. He kalvari ching kaomei khou,
Charin tuang kanloumei hou e;
Kandih kun padeimeis guai le,
Theimeis guai jingmeis khou bamme,
Jing kandiu ching tei gan puni,
Tingsangjang kata hou puni.
3. Khangloumeis jam tei jao khang rui,
Kata karana ganlou na;
Kapi nkum keimeis jao khang,
Katana ntanga dam lou,
Gun kumma khiu than khang ni nai,
Lumlou makmeis guai khang ramme.

113 Ai lunge luang kaumei rukhou

Doh – G

8.7.8.7.8.7.8.7.

1. Ai lunge luang kaumei rukhou,
 Kachak ting palikmei khou;
 Kandih khou rui gaipui ram tei,
 Amang thu dukhou manne,
 Hei khou tei npuan nthan ne,
 Munrim kajauna liu e,
 Duipuak kai khou tei lummei guai,
 Kaniu pap tei khiu than the.
 Heitei gaimei kandih ram su,
 Suaihiam loumei gaipui ramme;
 Ringaimei munpuang tuai makge,
 Neiriu ni gan tak lak khe.
2. Airui jang e duipuak kai khou,
 Hei khou tei ai rui bam ni;
 Ringmei dui tei jang lou khou rui,
 Abumang tari kim the,
 Ai rui tari dat pulak khe.
 Phei banni neilamei phei,
 Hei khou tei nthuk pui lu tei,
 Ai tingmik thui suan puni.
3. Ai rui nchum pui chang tat khang,
 Kross tei tik kagun dai e;
 Ai rui nchumpui chang tat khang,

Ai hou e kanpat pui bam,
Jisu rui njianna kau e,
Kross tei phung khang ping lak khe,
Jisu rui sa e, ai rui na-
Nang chang kasiam lou the.

114 He jang suni mundui rim

Doh – E

11.9.11.9.

1. He jang suni mundui rim gaimei ram khou,
 Jianmei ta tam khang saguang pu the;
 Chunsimei mikdui tei luang kei lou lana,
 He Raguang ntam bam nimak ge.
 Asei ntammei njianmei mikduiluang,
 Asei tingmik than pat datro;
 Lungjingmei tigan no he Raguang,
 Jianmeita janghuai na kap be salam.
2. Chana le tau hei aniu tam kan dikho,
 Tat nimei luangbut ta jao lana;
 Phang jaolo mikdui rouna ntam kanmei,
 He Raguang akumma tat ni cho?
3. Gaichuimei tingthan neiriu kumma jianmei,
 He jianmei tam khang saguang pu the;
 Pat lou the jianmei bansin kariu louna,
 He rangbang tat tuan kan the jianmei.
4. Tingkauh thu Ragang jan khou khatna suni,
 Kum sini jangsimei rui gumliam;
 Ai kapma bampui dihta ning dat lak khe,
 Abanjat rui ham guange salam.

115 Anuan guai hei kuaklou

Doh – D

8.7.8.7.

1. Anuan guai hei kuaklou lana,
 Nbanthai na bam ni e;
 Alung khou hei Raguang Jisu,
 Nbanthai na bam ni e.

 Nang bam ethei (2),
 Nbanthai na bam ni e;
 Alung khou he Raguang Jisu,
 Kagan thui bam duanglou o.
2. Nangta airui champan khan lou,
 Nangta ai jai thao lou e;
 Kandih khou neilamei suang mu,
 Tingkauh neilamei gai e.
3. Bang pui riang hei ri pat lou o,
 Abumang kan pat lou o;
 Jingmei khou hei bam sang lak khe,
 Neiriu kum tiganlou o.

116 Salem ram thang njuan di kho

Doh – G

8.6.8

1. Salem ram thang njuan di kho,
Hu thang njuan tat ro;
He poubaumei ta ai phuna.
He poubaumei tingsang ringmei neilamei,
He tikei lou o he apoubaumei,
Asei hei neila khang.
2. Kandih rianra ram tuan pukhou,
Lung geimei nai lak khe;
Kanloumei puta hou pukhou.
3. Ai thuan bam ni poubaumei ta,
Panti ngan na thuan ni;
Noupou pu lun ai hou mak san.
4. Poubaumei rui jailou puni,
Suaihiam mei poubaumei;
Nang ban rui ata jai lou o.

117 Nang himdaimei ram guang pukhou

Doh – Bb

8.10.6.10.

1. Nang himdaimei ram guang pukhou,
Thanmei nun guaile banchra guai ruina;
Papmei ta ndan ni,
Ai rui ringmei tei latou puni cho?

He pap khou keimei ai e,
Jailou o poubaumei;
Ringmei duikhun khou jailou o,
Apap khiu than lou khang,
Nang ram gaimei tei guang-
tang ngam diu khang.
2. Tingkauh namdai ningyou gan khou,
Tang khang rana ninga tingjing ngammak;
Jianmei nun tat puiram,
Poule nangram guangtang ngam kan nithe.
3. Nang himdaimei ram guangtang pukhou,
Kandih khou ai rianra le aram kap;
Ninga jao dat lak khe,
Nthiam pheiban liang tat bam kanni the.
4. Kandih ningjung liat laknga kei,
Neilana janggai khatsini ai hou mak;
Poubaumei rui hamma,
Achun simei sumgai lou ngam mak ge.

118 Alung rianra gan khou

Doh – C

9.6.12.6.10.

1. Alung rianra gan khou poubaumei,
 Sam guango alung khou;
 Rianramei nanun guai nthaknga bammei tei,
 Din lou o karam thuan,
 Lung rianramei khou ai bam san khou hei.

 Kahim daime i lu tei,
 Ai rui thuan ngam thui mak;
 Kauh sianmui khuan gaime i,
 Thuankume i sianmui khuan gaime i akhang.
2. Kandih rianramei ram khou lung rianra,
 Kapma jangsi bam sini;
 Theime i dui kanpat khou apu rui njianme i,
 He ata chang riu ni,
 Rianramei mikdui keime i nai lak khe.
3. Ai khou hei ntam dat nime i lat,
 Sa lak khe kabam thui khou;
 Namthan gai khou laujiuna rui tingsang ganbam,
 Nthanme i Seraphim guai,
 Thuankume i hei kim dat jat pulak khe.
4. Hei khou tei tangkhang tingmik kathui,
 Kandih rianrame i rui kham;
 Ai nkhu an ngam makge namthan gaime i tei hei,
 Guloume i guai khuan na,
 He Salem than hou khang khuan ngam makge.

119 He jai guang lou puni

Doh – Bb

12.11.10.10.

1. He jai guang lou puni kanloumeipu ram khou,
Tatri kanmei guaita ni kau han datro;
Kagan thui jianmei nun ta thuan ku e,
Njianmei nun guai guang kariu o.

He jianmei nun le guanga thuan no,
Chunsi jangsi pui tuang kan khuansini;
Kauh kanan ram tei juan ni the,
He Jisu le bam cham ni the.
2. He bumang nthanmei ruina nduang lou o,
Jangsimei rui muang jingmei kumma jing e;
Hei kandih khou jianmei nun tammei hei,
Njianmei nun bansin kariu ni.
3. He champan thiu ntammei gan hei naguang the,
He jaipat datro tingsang bam cham khang tei;
Ata jai pat lou o jianmei nun le,
He ntammei gan hei du khuan no.
4. He njianmei nun ata kanglou bam khou rui,
Tat dukan the ai bampui ram gaimei tei;
Pat lou tho jianmei nun kandih ram khou,
Guang thuan pui ram khou rui riu dat ni.

120 Poubaumei Khrista guloumei

Doh – Ab

8.8.8.9.

1. Poubaumei Khrista guloumei,
Thuan ku dikho jat guai na rui;
Neila gaina bam kariu khang,
Kajaujian rui nduang lou kandiu.

Thuan ku dikho kaguangta aniu,
Kamei rui nduang lou khou rui;
Ntam kanmei jianmei guai le,
Neilana aniu ariu dat the.
2. Khrista jan khou jianmei guai le,
Nangniu jau hou khang neila na;
Ariu loupui welcome bam khou,
Thuan pui lu khuan rui lung neila the.
3. Hei tei kumma nkham pui nung,
Tingkauh thanmei guai ni neila;
Kandih mei le kauh thanmei guai,
Kajan thuan pui lu suan cham puni.

121 Kandih khou muangrui gum liamma

Doh – E

8.8.8.8.

1. Kandih khou muangrui gum liamma,
 Rianrmei kasu bang khou lou;
 Rianramei le jingmei khou hei,
 Theimei rui kasu bang khou lou.

 He rianra e, he rianra e,
 Pap rui rih dailiang e;
 Kalvari khou thei loumei tei,
 Sangam maknga ningtan makge.
2. Poubaumei le kandih ram khou,
 Thou cho rih su tat nimei kiu?
 Tingkau bumang rui than bamma,
 Ai tat ni the suthan lou khang.

 He neila e, he neila e,
 Gospel phung guang meita;
 Nthuk pui pari phung guang mei tei,
 Phung guang mei tan hei gai dinge.
3. Pap le jingmei tei tat kan the,
 Pap le jingmei khou bammei nun;
 Bethlehem munpuang guang dat ro,
 Jubili kang khuan kahao e.

 Hallelujah, hallelujah,
 Rianramei rih man the;
 Thuaihian liangmei poubaumei le,
 Nthuk pui pari tei gailiang e.

122 Simei rangbang khou

Doh – F 10.10.10.8.

1. Simei rangbang khou ai rui tat bam khou,
 Heikhou tei neila gaipui chang phu ban khou;
 Theimei duipang khou kalang khuan chuna,
 Pingmei rui alung khou nai e.

He Jisu ata jai guang lou o,
Poubaumei ai chang man na;
Mang tat bam khou.

2. Pap tanmei suan mu theimei hei na de,
 Airui theimei duipang khou pat ngammak;
 Kum sini chang baimei mak poubaumei,
 Kanloumeipu nang ta ning e.
3. Tingkum heisan nangta gan lou sini,
 Kagan kathui nang jian na jailou o;
 Kabam kathui nang nade he Raguang,
 Kandih khou thuanmei padik diu.

123 Njianmei apui apu rui

Doh - Bb

8.8.8.8.

1. Njianmei apui apu rui,
Dinlou makge lat gaimei hei;
Bumang thanmei rui din lou e,
Nianmei le nchum mei lat.

Kagan thui pouta ai thuanni,
Rianra puni neila puni;
Sianlan maknga lungsi sini,
Baibal hei rui asian lan ne.
2. Kandih khou hei ram guai nata,
Lum khang makge nangbang ai mu;
Tingkauh lungning nthukmei tei,
Tithai lou o nangbang akhou.
3. Apoubaumei siamruai su khang,
Kamthao ni the jingni ganni;
Poubaumei ata jai lou o,
Israel nun ta jailou mei kum.
4. Rianramei bam kandih khou hei,
Bam nimak ge nangbang ai rui;
Pu le ata jailou naro,
Tingkauh neila pui bam khou tei.
5. Poubaumei le nangbang guai ta,
Nduang lou o kagan kathui;
Tatlou pui bam kathui na khou,
Jailou naro nang banjat rui.

124 Tingkauh kandih khou tei ai

Doh – E

9.9.7.7.10.

1. Tingkauh kandih khou tei ai lung khang,
 Chamdan khang poubaumei tat kan the;
 Jailou nimei ram khoutei lummei le nthanmei guai,
 Bumang than nun le lusuan na bamni.
 Kauh kandih gailiangmei,
 Neilamei ram khou tei;
 Rianra rianriu mei mak,
 Mi bam khou tei neikhat tat puni.
2. Akhang ruina poubaumei thei lou,
 Apanti hei luai pui nung kiu mu;
 Rianra rianriumei nban khouhei rui ai tat tuanlana,
 Tingkaaauh kandih akai thang tat puni.
3. Kagan kathui apoubaumei rui,
 Ata nduang louna tat bam me;
 Tingsangjang poubaumei le bam chamni kaidai khoutei,
 Jaojihmei rui ngammei nai dat lak khe.
4. Tingkauh kaidai ai tang puinung kiu,
 Buh le neih rui ganmei nai lak khe;
 Chunsimei mikdui keime, rianra rianriumei guaina,
 Khatsini mak ge tingkauh ram khou tei.

125 Kalvari ching rukhou tei ning jaolo

Doh – G

10.14.7.

1. Kalvari ching rukhou tei ning jaolo,
Sao pirun tei runlana kaniu sinnuimei putei;
Ning jaolo khristianmei guai.

He, he poubaumei njangmeipu,
Aniu ta njian lou khou rui;
Rianra rianriu khang lana,
Kamik dui tei kei lana aniu khang-
Rui thei lou.
2. Changdai khou tatmei nun guai tei ruina,
Adi sinnui kan tucho kaniu sinnuimei puta;
Ning jaolo khristianmei guai.
3. Poubaumei kross rukhou tei thang bam khou,
Dui tari the tutina jaukhiang dui laguang lana;
Poubaumei ta tijang the.
4. Poubaumei kross rukhou bampui dingkhou,
Meinun rui bui laguanga poubaumeita biu kanthe;
Thei lou the aniu khang rui.
5. Poubaumei keidat puinung khou kiu thu,
Mei guai ta jaiguanga poubaumei hukhou dingni;
Latjan suni kapum ta.

126 Thao tho khristianmei nathiu le

Doh – G

8.8.8.8.

1. Thao tho khristianmei nathiu le,
Kagan mak khe jipsang bam khang;
Nban puat tagan lou ngamma,
Bumang ring nimeï chang phu tho.

 Ai kahao mak ge meinun ram neila ta,
 Raguang ruina kauna bam khou;
 Pou-peï riak ta ganlou ngam ma,
 Tan tho nang bumang ring khang tei.
2. Kagan mak khe champan thiu le,
Heidi duimeï panti lung khou;
Rianra rianriumeï guai khanga,
Tan tho nang bumang ring khang tei.
3. Khou tei lumlou mak meï guai mu,
Bumang thanmeï nun hukhou tei;
Theimeï rui kaniu phan suna,
Rianra rianriumeï tei khang ni.

127 Nkingo kaniu khuan gaimei

Doh – Bb

8.7.8.7.

1. Nkingo kaniu khuan gaimei,
Gundai pui tingmik tang the;
Kandih pap nthiammei bam khou,
Nchu njanga suan no.

Kaoliangmei khou kahim daidiu (2),
Tuna nrah khuan gaimei rui;
Njanga suan na bam e.
2. Reinung Egypt ram khou kumma,
Jubili guangtang dat the;
Kahim daidiu kaoliangmei khou,
Salem namdai lan lou the.
3. Hougai e kaniu puan gaimei,
Neihmik khang suang gangai e;
Kaniu phei phuanmei ban lana,
Nchu njang diu tu e.
4. Gan guang dat ro aniu dang khou,
Nrian loumei ganchuanga;
Jangmei nai diu kabam thui khou,
Tuna lu suan kariu d iu.
5. Din kaluai datro banchra le,
Tingkauh guang Immanuel;
Kaguang bampang pat lou duna,
Nuan phungmei nun khang guang the.

128 Tingkauh thu Raguang dailiang

Doh – G

8.8.8.8.

1. Tingkauh thu Raguang dailiangmei,
 Tingkum khumma jailou lana;
 Kamei rui jaujian lou khou rui,
 Tan loupui thai guai tei hou the.
 Tipat lou tho, tipat lou tho,
 Neila pui kam tipat lou tho;
 Poubaumei Jisu thuan kariu khang Amen.
2. Khrista guang puanpui tingmik khou,
 Neila bammei aniu alau;
 Asei nang chang mun gaimei khou,
 Nang khou nei khang aniu guange.
3. Poubaumei jan khou nang timei,
 Pai kanei na khuan sini na;
 Alau kam neila pui jang rui,
 Tingkauh thu latou dat puange.
4. Poubaumei Khrista puan pui nung,
 Nangta suaihiam lou khang ti o;
 Nang tuang tipat mei puat guai na,
 Tingsangjang man dat pulak khe.

129 Raguang rui njian loumei hei

Doh – F

8.10.8.10.

1. Raguang rui njian loumei hei,
He adi nthuk cho, adi nthuk cho?
Sangam makmei thuk pui jaujian,
He adi nthuk cho, adi nthuk cho?

He adi nthuk cho (2), adi nthuk!
Raguang rui njian loumei hei;
He adi nthuk cho, adi nthuk cho?
2. Kanpat lou the tingsangjang khang,
He adi nthuk cho, adi nthuk cho?
Kanpat louna tithan lou the,
He adi nthuk cho, adi nthuk cho?
3. Tabui khang tithai mak tu cho?
He adi nthuk cho, adi nthuk cho?
Kandih mei jat guaina khang e,
He adi nthuk cho, adi nthuk cho?
4. Jao njian lou pui tuang guai hei,
He adi nthuk cho, adi nthuk cho?
Man nimei nun rui thai ngam mak,
He adi nthuk cho, adi nthuk cho?

130 Apam ajiuna gan lou the

Doh – G

8.8.8.8.

1. Apam ajiuna gan lou the,
Nangpui huainei mei mu ri o;
Hei lat kang hei ai khat sini,
Mu thui lak ge apui latkang.

Apui ram jian makum pukhou,
Tauni kamei ring bam kumme;
Mpuan aliu rih-ri guang khou,
Apui neimei tei ning tou e.
2. Ai mu thui lak apui khuan ta,
Kakhuan rui alung ti kabiu;
Aram rianra Raguang thai lou,
Apui manmei makum bam khou.
3. Tingkum guan sini mu thui lak,
Jianmei lat rui ncham lou mei;
Aram rianra Raguang rui thai,
Apui neimei makum pukhou.

131 Nkhuamei e poubaumei kuak lou o

Doh – D

10.6.4.

1. Nkhuamei e poubaumei kuak lou o,
Ai lunglai na guang e;
Nang phai bang khou.

 Adang khou bam makge thei,
 Kandih ai thei pui bam;
 Nang phai bang khou.
2. Baimei gaimei mak ge,
Kandih khou hei ,
Ntao nang khuan chuna ai guang datthe.
3. Poubaumei le nang rui,
Khiu than lou o;
Nangta ninga airui rih hei ngam ni.

132 Suaihiam tilou khang tingkauh

Doh – D

5.7.8.7.

1. Suaihiam tilou khang,
Tingkauh thu latjan su the;
Eden kaikham lan lou dat the,
Gut ro Zion tinggan pat the.

Thuan o (2), kanloumei pu,
Laujiu na guang the;
Thuan o halleluijah Amen,
Halleluijah kanloumeipu guang datthe.
2. Jingbang lung geimei rui,
Kandih ti jang silou;
Eden khou puanmei rui thuan ne,
Bui tei cho kalan ganchuanga.
3. Guang guaina guang rui,
Zion thu latjan sulou;
Meinun rui nu lou nimak ge,
Njian loumei hei nthuk ge.
4. Tingkauh thanmei nun rui,
Thuan kupui lu suan ne;
Duipui ramkiang kabam thui khou,
Zion likdiu halleluijah.

133 Aarih puan hei lou kei pinge

Doh – Ab

8.8.8.8.

1. Aarih puan hei lou kei pinge,
 Ai bammei dih rih hei pinge;
 Tingmik thui nthiammei pu rui,
 Nangmei nun guaita nthiam bamme.

 Rih puan ti o, Immanuel,
 Nang bumang rui nduang lou o;
 Pap rui rang sumei dih khou hei,
 Nang rui kagan thui duang lou o.
2. Apumtan hei mak khuan sini,
 Nang rihmei khang biu mak sini;
 Khang thaimei guai khang guang pirun,
 Nang rui chamdan loumei tilou o.
3. He jailou o kanloumeipu,
 Nang jei pan rui rih hei ngamni;
 Pap rui rang sumei dih khou hei,
 Pap phungmei guai jan phu ngam makge.
4. Nang rui rih hei timan lou o,
 Nang jei pan rui rih hei ngamni;
 Nang jaujian rui nkhalou o,
 Nuan phungmei nun guaita jaipat khang.

134 Tingkum heisan ningmei

Doh – Ab

10.11.8.10.

1. Tingkum heisan ningmei ntau luai the,
 Neikhat namu neila duango jianmei nun;
 Ntau hei kagan guang tang the,
 Lungchang phungnipui gan guangtang puthe.
 He jianmei guai le guang kariu o,
 Asei hei chunsi pui gan guangtang the;
 Ngammei kam neilalou o jianmmei nun,
 Njianmei arup nun thiu le.
2. Njianmei nun le neila nduang o,
 Matat khat nasini pat lou ri o;
 Simei rui lung ti rianra lou,
 Lung neila khang poubaumei khounai o.
3. Guang ntang lou tucho njianmei nun,
 Poubaumei jaujian rui ariu dat ni;
 Han guang dat nu ni tuang ram the,
 Chamdan luailou ngamthe kapumma ta.
4. Njianmei nun le ntam kandih khou,
 Ata pat lou tho njianmei nun le;
 Ntammei hei nai dat mak khang,
 Poubaumei tan nthuknga tan di kho.

135 Kalvari ching khou poubaumei ta

Doh – D

9.7.7.7.

1. Kalvari ching khou poubaumei ta,
Kross rukhou sao pirun le-
Meinun rui jaona nui khang;
Kross rukhou tei thang lou the.

He adi su cho?
Pou rui khanglou kanmei tei;
Kapi kaphai kaban jaolo,
Kandihmei pap jang khou rui,
Nthanmei jei luang kei e,
Njang liangmei pu khou.
2. Thei khang tari bam puigan khoutei,
Mei khat ‘ni tini mak ge;
Jaojimei nun rui raina,
Tari lian laknga thei the.
3. Tari e na theipui gan khou tei,
Khiangmei dui tijang lou e;
Khiangmei dui rui kim lak khe,
Bumang khang tari mei.
4. Bumang ta kanloumei pu jei tei,
Ai rui din lou ngam thui lak ge;
Tatna kalvari ching khou,
Poubaumei ta guang jaolo.

136 Tingkauh thang bammei

Doh – A

8.8.8.8.

1. Tingkauh thang bammei guang Jisu,
Lung rinramei makmei Jisu;
Kandih khou rianra bam khou hei,
Akhanng khrista rui tigan lou.

Charin tuang e (2),
Kajaujian hei charin tuang e;
Kalvari khou akhang thei lou,
Ai ning thukge kanloumei pu.
2. Ning tan makge he guang Jisu,
Ai thai tang ngam makmei Jisu;
Lung rianramei timan lou o,
Ringmei thingbang khou jailou o.
3. Lung rianramei duidai bam khou,
Kan ngam mak ge jai kanlou o;
Charin tuange nang jaujian hei,
Akhang khrista rui thei loumei.
4. Tingkauh thang namdai gaimei nai,
Lungning njangmei tilou o;
Njianmei riang rui bang louo,
Kai gaimei khou tibam lou o.

137 Laujiu nah rianramei jaolo

Doh – F

8.10.10.5.

1. Laujiu Nah rianramei jaolo,
Theilou nimei chingbut thang duang tatna;
Rianra nkhalou nimei meih makge,
Rianra khangmei pu.

He poubaunei rianra khalounimeis mak,
Kalvari chingbut thang njuan tatna;
Meipui meina lung rianra,
Kappa han dat the.
2. Theilou nimei ching guang tanga,
Akum nicho apoubaumei ta hei;
Kaphai kaban hianbin lou kross rukhou,
Houmumei nun rui.
3. Jaona rianra mak khang mak ge,
He di nthuknga thei lou kanmei tei;
Kajei nthanmei jei rui luangliam lou,
Nangni guang jaolo.
4. Poubaumei jei pat lou khou rui,
Kandihmei ta pap khou thuaklou the;
Tingkauh kai changmun tei lan lou the,
Kamei nun guai khang.

138 Himdai kandiu pou Jisu jan

Doh – A

8.6.8.6.

1. Himdai kandiu pou Jisu jan,
Kandih le tingkauh khou;
Banchranun Raguang kalummei,
Seitan pinga kadun.

Akhang ntang mak tuang makge,
Baimei ta kahao mak....
Khrista akhang theimei biu the,
Akhang rui thei tuang e.
2. Pap phungmei nun khang khrista thei,
Gai makmei nun phan thei;
Nuan guaina khangh lou ngam kan the,
Neilamei tilin the.
3. Karam jian hei tithai lik go,
Thuak patmei ndao o;
Ai rui ranimei chamdin kiu,
Laujiu Nah pari e.
4. Neilana kajan ndaoni,
Apanti nai bam khou;
Mei guaina khou ra ndaoni,
Laujiu Nah pari hei.

139 He araguang poubaumei Jehovah

Doh – G

10.10.10.10.

1. He Araguang pubaumei Jehovah,
Seitan rui ata kanglou bam khou hei;
Nang njianloumei nang lat pan khou rui,
Thuak pat lou the tuna guang salou o.

Nang rui njianmei lat kang hei,
Alung rui mu lakge poubaumei;
Tingkauh le kandihmei nun rui.
2. He pubaumei nang suiahiam daimeimei,
Jat kathui rui nthuknga ning bam diu;
Alau kumma kapma huai bam khou hei,
Nang rangai tei akhou naguang lou o.

He Jisu hei akhang ethei,
Baimeimei kahao nicho poubaumei;
Kagan thui akhange Jisu.
3. Tingkum chinghching neilamei phu jaoki,
Ariu makge jingmei bam rana de;
Kandih neilamei le tikgun daimeimei,
Phu tou sini kagan tingsang mak ge.

Akhang mu Jisu nang na de,
Tingkum machang khang gai nbu hai hai,
Kauh le dih khou kungliangmei e.

140 Achun sina bam jing lakge

Doh – Bb

8.8.8.8.

1. Achun sina bam jing lakge,
Kandih pihru jao rian tatna;
Kabam kathui jingmei ruina,
Achang ding kham he poubaumei.

Ata nduang lou o,
Lungeimei muang jingmei khourui;
Adang khou bammo poubaumei,
Kap bammei nthak khang.
2. Guang nimei ramta ai machun,
Banchra nthanmei lungpui ram;
Lung rianra na ai kap bamme,
Lung rianramei muang dingkhau hei.
3. He abumang kap bammei hei,
Kandih khau hei nthak kei the;
Ngum jaina kumma sam nithe,
Ringsuangmei bam tingkauh ramkhau.
4. Khau tei rianramei kap bammei,
Makge kanan ramgai khau tei;
Kanloumei pu nduang lou o,
Theimei duipang ram khau hei.

141 He neila Khristmas munpuang

Doh – E 11.9.115.

1. He neila Khristmas munpuang gaimei tuai the,
 Tingkum man nimei thei lai kan the;
 Kaban tei sinna nu maknga tat kan the,
 He neila Khristmas.

 Nkhuanno (2), njianmei nkhuano,
 Arup arian njianmei nun;
 Ntam the he neila Khristmas.
2. He Raguang ntam kan nimei njianmei,
 Neikhath na sini bam laknga cho?
 Aniu khang gaimei munpuang teituai kanthe,
 He neila Khristmas.
3. Kei dat nimei tei hou khang tei chamdan o,
 Nkhuan bammo tingkauh thanmei ta;
 Suaihiam kathanmei tuang guaini la puni,
 He neila Khristmas.
4. Tingkauh kandih ganloumei tuangtei kumma,
 Ntam mak numak ge poubaumei;
 Nangjan tei sanna hei khou tei huai bamni,
 He neila Khristmas.

142 Khristianmei guai janggai

Doh – Gb

Irregular

1. Khristianmei guai janggai,
Lungning le bumang ni;
Chu lo saloumei lat hei lat than,
Asei hei Jisu puan the,
Kiruai guai ni janggai e,
Kiruai lailung khou jip bam khou,
Asei khrista puan (2).
2. Khristianmei guai janggai,
Lungning le bumang ni;
Chulo ringtak makpui lat janggai,
Asei hei Jisu puan the,
Tingkauh kaikham lan lou the,
Meinun khang janggai puituang e,
Asei Khrista puan.
3. Khristianmei guai janggai,
Lungning le bumang ni;
Nangkhang thei khang ta pingmak chammei,
Gulou khang Jisu puan the,
Mei guaina ta kau bamme,
Tingkauh ram gaimei tang khang e,
Nangniu ta gulou khangrui puanpat lou the.

143 Kahimdai diu halleluijah

Doh – D

8.8.8.8.

1. Kahimdai diu halleluijah,
Aniu thuan e Immanuel;
Thuanmei khatni guang kaguaina,
Tingsangjang nang tuang su kandiu.

Halleluijah (2), Amen,
Halleluijah (2), Amen.
2. Kandih mei guai nangta thuan diu,
Banchra guai le lung khat suna;
Nang jei rui thuak lou khou tei rui,
Salem kathan khou ruan bamni.
3. Nthuk liangmmei kauliangmei pu,
Taruai rampang thang lu gaimei;
Nang njianmei le njangmei,
Tingkauh pari sangam mak ge.
4. Thukmei himdaime ndao lou,
Kross rukhou akhang khanghloumei;
Tingkauh pirun pat lou duna,
Eden Salem kathan khou tei.

144 Bam kathum khou lat njan

Doh – F

7.7.7.9.

1. Bam kathum khou lat njan,
Tingkauh Raguang Jisu ta;
Kalat njan pui bam khou,
Kalan jingbang ni nai dat lakkhe.

 Ai rui thuanku e Jisu,
 Katik kagun daimeï ram khou;
 Nang bangta jao njianna,
 Rianra rianriumeï bam kathui khou.
2. Dui le kandih tingkauh khou,
Kalat njan pui bam khou;
Jisu thei ai lai tatni,
Tingkauh kandih khou bam cham nithe.
3. Thing kross rukhou thang kan the,
Kanloumeï Jisu Khrista;
Rianra rianriu mei guai tei,
Hei kumma rianra rianriu khang the.
4. Rom rihmeï nun guai ruina,
Sinui sinnu na jai kan the;
Pilat rui npat lou khang-
Tuki meinun rui nu dat makkhe.

145 Pui jianloumei khuan njangmei

Doh – D

8.8.8.8.

1. Pui jian loumei khuan njangmei,
Ai rui musui puinung makge;
Nangnah guai ta lou du sini,
Kalum loumei guai mu ri o.

Jaujian lou o ai rui huai e,
Kadang khou tei ai rui bamni;
Akhang kalum loumei khuan rui,
Mpuan kumma akhou liu guang.
2. Kakhuan rui neila loumei tei,
Ai rui musui puinung makge;
Jianmei guaita pat lou sini,
Thai tang makge apui ram jian.
3. Bu le nei le tingkum man ni,
Thuanpui tuang guaituai dat lakkhe;
Apui apu njian liangmmei,
Akhang tak maknga kalum e.
4. Raguang jaujian thuan kariu o,
Mei guai narui kariu lana;
Akhang kalum loumei pan rui,
Gaipui ram khou bam kariuni.
5. Hei kandih hei akai ram e,
Jangsi kadipui kandih e;
Bam khuan tho de ananun guai,
Mulou lak ge nangniu guai ta.

146 Alung hei pap rui jing sini

Doh – A

8.7.8.7.

1. Alung hei pap rui jing sini,
 Thanmei bam tisu lou o;
 Alung khou hei he poubaumei,
 Tingsangjanga bam lou o.
 Nang bam ethei (2)
 Lung neilana bam ni e (2).
2. Neikhat nang ta khiugiang suna,
 Neikhat nang khou lum louna;
 Man nimei khou lung gut lou rio,
 Ringsuangmei khou lung gut ro.
 Ti-ngam puni (2),
 Nangkhou lumlou rap khourui (2).
3. Bangmei preiriang sutap lou o,
 Abumang ta kan lou o;
 Jingmei khouhei bamsang lak khe,
 Neimik riu kum gan guang o.
 Gan bam ethei (2),
 Ai ningmei guangtang nithe (2).

147 Jordan dui kanpat puinung

Doh – B

8.7.8.7.

1. Jordan dui kanpat puinung kiu,
Gaichuimei kaidai khou tei;
Thuakloumei nun rui thuan bammei,
Kaniu lu tei ai chuni.

He poubaumei jei pan rui hei ram gaitei,
Kasiam lou the aniu kaguaina khang;
Anuan kaguaina hei kuaklou ngam kanthe,
Tithan lou ngam the kajei hang pan rui.
2. Poubaumei bampui ram gaimei,
Ai rui nkhuon liak lak khe;
Ringmei thingbang lim gaimei khou,
Bui nung rui jang suni cho?
3. Tingkauh Jerusalem than gai,
Karam gai sangam mak ge;
Khou tei Jisu rui khuan bamme,
Namthan gaimei khou gut khang.
4. Kanloumei pu dang tang pukhou,
Lung rianramei nai lak khe;
Pap puat nritmei phung mei guai,
Hei khou tei lou kei ni the.

148 Kaniu sa e tingpuk pang thang

Doh – A

12.10.12.10.

1. Kaniu sa e tingpuk pang thangkai naimeilam,
 Duh simeilam pang thang kai naimeilam tei;
 Pingmeilam puanjing guang dat lakkhe tuna din e,
 Muang guam dat lak khe tuna din lou e.
 He muang guam makmeilam kiu,
 Muang jingmeilam guai makpui ram khoulam tei;
 Ting puanjing makpui ram e tuna dinlou e,
 Muang guam dat lak khe tuna din lou e.
2. Champan nun tat kanmeilam kai lam tei kaniu din,
 Duh kanmeilam kailuam lam tei din lou e;
 Khoulam panti thingbang nranjing pat meitei,
 Karim namgaimeilam mundui bun keilou.
3. Kahim daimeilam guang lam tei kaniu rui dinlou,
 Kaniu din loumeilam tei ai jao puki;
 Guangrui dungbammeilam bamteilam gun khangsuang phuane,
 Kachak rui kasiammeilam namdai kiu e.
4. Kameilam kanahnun ta jaona lui rimh rim bam,
 Karam nui rui rianrameilam timan e;
 Mikduilam keimeilam hei buinung sini nai lak khe,
 Gaimeilam nranjing patpui ram kiu e.

149 Ntampui tingmik pat puthe

Doh – G

8.9.8.8.

1. Ntampui tingmik pat puthe,
Dupkan the muangding khou neimik tei;
Thauruai munbang nchung ngam the,
Bam dutho kam thao kanni the.

Asei bam cham nthuan ntam,
Lung nimak khe hei kandih khou;
Raguang jan khou jasngsu cham kho.
2. Ntampui ban ham guangmei hei,
Amu maknga tingmik thui ninge;
Tat kan nithe jianmei nun le,
Jao suaklou naro aphai kam.
3. Tingjin kei kan nimei neimik,
Ai rui jangrih jangrihna;
Kei kan the alung le nei hei,
Jianmei bammei luangbut rukhou.
4. Thingnuang panu munpuang gaimei,
Nthu luan njian lungsimei khuan;
Kandih khou gaimei hou ngam the,
Neilamei njianmei ram mak.

150 Alung rianra pukhou alao kumma

Doh –E

12.8.6.8.8.

1. Alung rianra pukhou alao kumma ai kap,
Kagan kathui alung tarai-
Ruanna tat bam pukhou;
Neikhat jingbang lumlou khou rui,
Alung rianramei nthak the.

Ai kao bamni tat tuan kanmeimei puta,
Nang rui rammak mei rui ata;
Sumlou nimei mak ge,
Guang lou datro kagan kathui,
Alung rianramei sum lou datro.
2. Akumma lung nicho? Nru-nrit na kum,
Kagan khat khou munpuang kumma-
Puang pat dat puni cho?
Kamei bammei ram gaimei tei,
Jiangri patna jao guang lou datro.
3. Hei kandih hei npat loudumei tingsang the,
Tingkauh Raguang he poubaumei;
Niu pang khou bam tucho?
Kalvari munpuang tuai puinung,
Tattuan kanmei ngalan guang datro.

151 Nkhammei latjan su nimei

Doh – D 10.6.8.8.

1. Nkhammei latjan su nimei gan tei,
 Tingmik thui naguang the;
 Rianramei le nthiammei rui,
 Jaojimei rimei kum guange.

 He ata npat lou ri o,
 Adang khou bamlou o;
 Zion ching ai guangtang mak san,
 Kanlou meipu nduang lou o.
2. Ahu khou nthiammei dui rui dailiam ,
 Ai aman khang ping nge;
 Pap duidai khou kei loumei guai,
 Tingsang gaipui ramtang ngam mak.
3. Noah kan khou pat kanmei tei kumma,
 Sodom kailuang kumma;
 Kandi ram ta ning khou rui,
 Raguang ta npat lou ngam the.
4. Kandih rianramei khanga bam khou hei,
 Nang jao kari pat ro;
 Zion nanun guai tei kum khang,
 Gundai pui tingmik guang pu khou.

152 Kandih khou chu jangmei guang

Doh – D

8.10.9.9.

1. Kandih khou chu jangmei guang puan the,
Kamei nunta pap khou rui gulou khang;
Manmei bumang guai ta phu dat khang,
Bethlehem guai kai khou puan lou the,

Nangniu khang David kaidai khou tei,
Guloumeipu poubaomei puan the,
Kamei hei chu jangmei guang kiu e,
Immanuel guang him dai kandiu.
2. Raguang rui kandih mei ta jianlou na,
Kanh npou khat namei ta tilou;
Thoupuni kakhoulumloumei guai rui,
Tingsang ring suangmei lapuni.
3. Poupei Eve le Adam kanei rui,
Nthiammei khou keilou puijang khou rui;
Theihmei hei meikin kathui nakhou,
Pap rui guang tuna lung bam khuan ne.
4. Pap rui guang tuna lung bammei guai,
Jisu jan khou lumlou na lunglai tho;
Asei hei nanglung khou Jisuta,
Neila neihlana guang ti tu o.

153 Kapu tuang suaihiam tei ganlou

Doh – D 11.10.11.11.

1. Kapu tuang suaihiam tei ganlou dulana,
 Changman na ruan tat kanmei nah kum;
 Kandih ramta kamei rui phu khuan e,
 Kachangmei khourui buithang ruan tat tucho?

 Kaikhou hanguang datro tuna kao e,
 Zion jangkhang rui nang tan tan jina cho?
 Jiprina bammei bumang jip thao tho,
 Poubaumei tan tan diu khang,
 Nangta kao bam the.
2. Ruanman tat kanmei nah npou kumma,
 Lunggai chingkhiumei ta akhiamma bam e;
 Ram khe sumei le ningthiu sumei guai le,
 Kachangmei khourui buithang ruan tat tucho?
3. Poubaumei rui kao khou nang gutlou jina cho?
 Zion khang rui thou tanh tan nina cho?
 Nang poubaumei tuang siamruai sujina cho?
 Laujiu changmun lanlou bam khou gut datro.

154 Nthu aluan lauphun suan rui

Doh – D

8.8.5.

1. Nthu aluan lauphun suan rui,
Zeliangrong kandih hei mu;
Riu rui tigan lou.

Aniu lung kaluan thao na,
Khrista ta thuan kho;
Nkhuang baza kajaona –
Kata thuan ku kho,
Adi nthuk kan tu cho?
Raguang ram dam hei.
2. Ahu alang duipui suna,
Luang bam pui kan khou;
Zeliangrong kandih hei mu,
Kim kanei lak ge.
3. Zeliangrong kandih nam rukhou,
Gailiangmei padik;
Zeliangrong kandih guai ta,
Raguang ning sudi.
4. Ahu alang duipui ru khou,
Ai sam tat bam ni;
Rangsou kumma sam bam ni,
Nchu rih rina.

Favourite song: Samson Pastor

155 Jing guang puthe hei kandih

Doh – G

8.8.8.4.

1. Jing guang puthe hei kandih hei,
 Liam guang puthe jingmei lim rui;
 Aphai ding khou ganchuanga rui,
 Hou dat mak khe.

 Pouhta thuan e alung kapum,
 Patlou duni hei kandih hei;
 Nkha lou o ai kam thao the,
 Tingkauh ramkhau jingguang puthe,
 Hei kandih hei.
2. Ai mang dutat akai khou rui,
 Kamuat guang the rianramei rui;
 Khaloumei mak champan guai rui,
 Nangbang ata.
3. Jingpui ram e hei kandih hei,
 Thut phui lou o kapmei mikdui;
 Timan lou o kandih jangsi,
 Akhau rui na.
4. Kapmei khuan rui hei kandih khou,
 Chu dat lak khe neilamei rui;
 Tingkauh ram thang naidat lak khe,
 Mikdui kei mei.
5. Hei kandih hei rianramei rui,
 Gan lou dulana juan guang the;
 Tingkauh ram thang chana thiu le,
 Suanrei guai le.
 Favourite song: Acham Kamei

156 Lauthuan aniu tarou thang njuan

Doh – C

Irregular

1. Lauthaun aniu tarou thang njuan guang pukhou,
 Rou kham tei lan lou the Khrista kamei ruina;
 Ata kaupui khuan chu, bumang thanmei khuan e,
 Jiangri pat ki kamei ding bma khuan e,
 Ata kaupui khuan chu Jisu ringthao kanthe,
 Dinga bam du kan the,
 Kamei khou tei lauthuan.
2. Jisu ringthao kan the apap guai gulouna,
 Kandih rianramei le theimei ta ngam lana;
 Nthanliangmei jei tei rui ata gulou na,
 Adi neila ni cho? Khrista jianloumei hei,
 Adi neila ni cho? Khrista jianloumei hei,
 Neikhat mu neilana kata ai ariu ni.
3. Jisu njian loupui lun phuanga ringthao the,
 Khrista kamei banjat biak thang bam the;
 Ata jai o Khrista banjat ruina ata,
 Kajei pan naidu thei dat pulak khe,
 Kathei ai lai tat ni ai ping tuang nai lakkhe,
 Tingkauh kaidai thang aniu guanglung chamni.

157 Kalung rianra pui ram jaona

Doh – F

8.6.86.

1. Kalung rianra pui ram jaona,
Poubaumei nim pui bam;
Getsemani pikuan lung lung khou,
Talan jei hang rui luang.
2. Simon Johan bauliangmei pu,
Kathei lai ngam mak ge;
Kanloumei puta jai kan the,
Amuh daimei kai khou.
3. Sao pirun le pheï hang banna,
Buih rui katum lou na;
Thou cho? Baimeï hei sapat ro,
Tuna kata nu the.
4. Apoubaumei rianramei hei,
Akhang khangh lou kan the;
Nuan phungmei nun khang runlou mak,
Nang guang pirun la khang.

Favourite song: Mrs. Asing Gangmei

158 Ringpui kan hei munpuang

Doh – A

8.7.8.7.

1. Ringpui kan hei munpuang kum e,
Tingsanga man ngam puni;
Jingbang amang man kanmei tei,
Man kanmei tei kum tuang e.

He abumang tingkauh ku o,
Kandih ta bui khang ning cho?
Nang tingsang ramgai tei,
Juano tingkauh thanmei ram khoutei.
2. Theimei kandih tabui khang cho?
Naomei le lung niammei;
Neila pui tuang kapum nani,
Munpuang tuaimei tei kum e.
3. Njianmei champan tat reime,
Neilana guangtang kan the;
Guang bampang khou dunga lusuan,
Tingsang guang ta thuan ku kho.
4. Kagun daimeⁱ gaichuimeⁱ tei,
Neimik khang suang gangai e;
Khou tei kagun daipui ram khou,
Poubaumei Jisu hou ni.
5. Kakhuan gaimeⁱ kapum nani,
Thuan kuni guangtang pukhou;
Akhau na kumma samthai ethei,
Sam ni tingkauh ram khou tei.

159 Papmei guai ta njian khou rui

Doh – C

8.8.9.10.

1. Papmei guai ta njian khou rui,
Raguang rui kanah tilou the;
Kata lummei ringsuangmei latou the,
Raguang ta thuan kuni halleluijah.

Halleluijah, he halleluijah (2),
Guang bampang ding huamma (2); }²
Ringpouh ta thuan bam ni.
2. Ntau thu ai mei than dithe,
Pou Jisu ta lalou nung rui;
Neila daimei rapture guangpui nung kiu,
Ai sam tat puni e halleluijah.
3. Pou Jisu rui chamdan loumei,
Pu Raguang kai guangtang pukhou;
Lajiunah nousuan pui ngai dai khoutei,
Laujiunah him thuan ni halleluijah.
4. Nthanmei guai ta duang lana,
Tingkum ching khat guang tu cham ni;
Neilamei munpuang tei tuai dat lak khe,
Kangan maknga thuan ni halleluijah.

160 Raguang ram dam adi gai cho

Doh – Ab

8.8.8.8.

1. Raguang ram dam adi gai cho?
 Kata luina dam chui lou the;
 Kaban siam ruang khou thuk lianga,
 Mansei tihei damchui lou the.

 Pouhta thuan o kasuai hiam tiloumei,
 Panti gaime i tiloumei hei kasuaihiam e;
 Raguang ramjian kandih khou hei,
 Padik khuan e,
 Raguang ramjian tiloumei ta-
 Thuan ku dikho.
2. Raguang latdan piumei guai ta,
 Tingsang ringmmei ti khang rian lou;
 Nchummei gaime tanmei guai,
 Tingsang guangdih khou lung puni.
3. Kandih tanduan luai guang pu khou,
 Nkham pui gan guang pukhou kiu;
 Niu rui tan loumei tan guai tei,
 Raguang rui suan ti puni the.

161 Jisu kei dat nimei kagan nanguang

Doh – A

12.910.10.9.

1. Jisu kei dat nimei kagan nguang puthe,
Hei kandih luai pukhou chamdan latho;
Jatguai kamei guang khou kasuan lakhang,
Tingpuk kandih guai manpui nung kiu.

Tingkauh chang khou ai tat pukhou,
Guang bampang khou guang kariu ni;
Hallelujah jat guaina rui,
Guang bampang khou suan na bam ni.
2. Kaokei pui khuantei le Raguang bangun khun le,
Kamei kahak kei puni Khrista khou thei kanmei;
Jianmei guai tei thao rei puni,
Mitang ring bammei le kariu ni.
3. Tingkauh kaidai khou ganmei rui padik e,
Khou tei Khrista lung bam e;
Kamei le bam chamni muang rukhou-
Rui phung kuni.
4. Nphuanmei pheiban rui apuan suna lung ni,
Khrista rui ganmei bam khou kata thuan;
Mei khuanrui, trumpet khuan le alim khuan rui,
Tingkauh kaidai khou thuan na bam ni.

Favourite song: Samson Pastor

162 Alung rui ninga tingkauh ram tei

Doh – C

9.9.9.9.

1. Alung rui ninga tingkauh ram tei,
 Tabui nung ai guangtang nina cho?
 Njianmei guai ntam kanmei guai;
 Miram khou tei souriu dat puni.

 He Raguang nang tingsangjang ramgai,
 Jai guang lou dat ro;
 Tabui nung rui khou tei ai guangtang-
 Ni na cho?
 He Raguang kandih khou rianramei-
 Nahnun guai.
2. Tingkauh chang njuan na tat bam khou,
 Chang din lou o he Raguang Jisu;
 Nang ramgai tei aniu hou ni e,
 Tabui nung rui guangtang nina cho?
3. Kandih khou ntam kanmei jianmei,
 Tabui nung rui ariu dat ni cho?
 Nang ramgaitei guangtang puinung kiu,
 Neilana prira cham dat ni.

Favourite song: R. Daniel

163 Guang bam the guang daimei

Doh – D

6.8.8.11.

1. Guang bam the guang daimei,
 Makge kamei kum kandih khou;
 Njangmei guange Guang daimei,
 Thuan o (2) Hosana guang daimei ta.

 Thuan o guang dailiangmei puhta,
 Thuan o halleluijah;
 Njangmei guange guang daimei,
 Thuan o (2) guang daimei puhta.
2. Jat kapumma rui thuan kandiu,
 Khouring khounah kapumma ni;
 Kamei thai pui lu rui thuan diu,
 Thuan o (2) Hosana guang daimei ta.
3. Katik kagun dailiang kandiu,
 Sangai liangmmei guang Hosana;
 Neila dikho Zion nah guai,
 Thuan o (2) Hosana guang daimei ta.

Favourite song: Hiamthui Kamei

164 Hei kandih hei mu neikhat

Doh – Bb

10.12.12.10.

1. Hei kandih hei mu neikhat man puni,
 Banrui kasiammei guai hei aman nutuang de;
 Tiki lummei guai mu aman tuang nai lak khe,
 Ntakmei rui kai sumei kum tuang e.
 Nangniu Raguang kai e-
 Nthan liangmei kai e,
 Nangniu thai mak na cho?
 Bumang thanmei kai e;
 Raguang kai sumanmei guai khang,
 Raguang rui manmei tei tini,
 Raguang kai thu than e-
 Nangniu thai mak na cho?
2. Khrista rukhou suthaomei kaiphun guai mu,
 Kachak le lupah Kaman kungmei su puni;
 Tiki thingnuang panu rui suthaomei guai,
 Nkhampui nung maikuam khou lou puni.
3. Khrista rukhou kaiphun suna lungmei guai,
 Neilamei la puni panti hei luai pukhou;
 Nangtan pankhou ruina nangsuan latou puni,
 Kumma aseï kaikhou tei gut puni.
4. Khrista rukhou ram mak kaiphun baimeï mak,
 Thiammei puanjing rui guanga kanuk khuansini;
 Khrista rukhou supui jang rui kachan lak khe,
 Kumma aseï kai hei kaikhun di the.

165 Latjan tingmik nagaung puthe

Doh – D

8.8.8.6.

1. Latjan tingmik naguang puthe (3),
Kagan naguang puthe.
Kap puni khuamei guai (3),
Jisu latjan khou khuamei guai.
2. Kao bam sini guang nituang ram (3),
Pap padik mei guai mu.
3. Pap phungmei guai guagtang ngam mak (3),
Tingkauh kandih khou kiu.
4. Kauh kandih khou guang nimei guai (3),
Kross phungmei na khang de.

Favourite song: G. Khuandin

166 Puai tat nban rianramei

Doh – A

Irregular

1. Puai tat nban rianramei kandih khou hei,
Rianramei rui amik jing the;
Kam thao ngam dat lak khe.

 Kaipou buithang nanghei bam tucho?
 Nang khuan kao bam mei-
 Chu ngam dat lak khe.
2. Nban rianra khou gaichuimei ganchuanga,
Kaipou ganmei nang e;
Jingmei muang rui gumliam lou the.
3. Rianramei panti khou jaosimei lam khou,
Banglou khourui rianra khang ngam makge;
He kanlou o.
4. Araguang nangjan ta ai kalum bam ni,
He akaipou Araguang chang hei;
Tichum lou o.

167 Aniu Nagamei ram kum gaime

Doh – D

11.10.11.12.

1. Aniu Nagamei ram kum gaime makge,
 Njianmei ruprian guai ta jao puki;
 Khouring, nruaina kajat guai khuan gai e,
 Hei kummei ramgai rui meiguai lung tithao e.

 Gaichang e aniu lungpui ram hei,
 Gaime rana padik ge;
 Kagan kathui aniu lungpui ram-
 Tihei thuan e,
 Kagan kathui aniu chun chamma lung e,
 Gaichange Nagamei aniu lungpui ramhei.
2. Ntheih thei nung aniu pou-peï kin khou mu,
 Khat khatta sangna rih su bam khuan e;
 Ntau aniu alaunun kin khou mu,
 Guang kandih kumma aniu kandihtha thuan e.
3. Aniu pou-peï rui lung lou dumei ram hei,
 Chamdan chui bammo kandih pri si e;
 Raguang jan khou aniu ramta thuan bamni,
 Raguang rui aniu thou tan khang ndiulou e.
4. Kara gaime tingthai kum Nagamei ram,
 Kagan thui tajeï dui gaime kum e;
 Aniu Nagamei guai dui kum luang bam e,
 Aniu Nagamei ramta phut laknga bam e.
5. Aniu pou-peï rui khamloumei ram pang khou,
 Nagamei ram kummei gaime makge;
 Duipi duibah thangmei guai rui juan guang e,
 Miram gaime lunlung kummei guai neila e.

168 Mathiu 25 pari khou dinlou e

Doh – D

Irregular

Mathiu: 25

1. Mathiu 25 pari khou dinlou e,
 Bang ganthum khou kaipou rui talent njan lou;
 Gankhat khang 5, gankhat khang 2,
 Gankhat khang 1 njan lou e.

Ai tatna guang datni nangniu guaita jao khang,
 Njan loumei khou rui nbuna tan bam o;
 Tuna kaipou rui mei kathui khou din lou.
2. Kaipou rui guang datna talent khuam kariu the,
 Mei kathui khou kaipou rui lummei sukan the;
 Akhat pangmei putei gang guang mak khuan e,
 Kaipou rui kasuan guai la gan the.
3. Kaipou rui nang khang ni talent njan lou the,
 Kaipou khang kungmei bumang guaita laguang khang;
 Neila khang nang tat patna katanh tan o,
 Panti nnai san tat patna tan o.

169 Kagan rui din bam e

Doh – G

Irregular

1. Kagan rui din bam e, kaiguangmei-
Gan dithe, tingjin gan guang puthe;
Neimik ni kei kan the,
Kaiguang mei gan tang the ruprian,
Nang chamdan luai latho.

Tingmik rui nkhuang makge,
Kagan rui nkhuang mak ge;
Jianmei khangrui tingmik thui kaobam e,
Gental gan hei luai jai kan puni the,
Tingmik thui tat bam e jangna,
Luai jai kan puni the.
2. Ndaouloumei 21: 13 jaolo,
Kaikhram ruina kanei rukhou jan naimeit;
Thao jao khou rui gut nina cho?
Ram baimeit chang mak ge.
3. Tuna ruh latchap tei kaikhram thou tei cho?
Tujang khang guang tucho?
Kaikhram chou khang guang tu cho?
Phu o kagan gaimeit nai bam khou,
Guang nian lou lame.
4. Kaomeit tiangka khang kagang e'
Kandih khou hei;
Nousuan khou kajao khang nousuan pheiban-
Makmeit gut nu makna bam du puni,
Zion rangpang thang tei.

170 Mei aching akhat khuan bammei kagan

Doh – G

Irregular

1. Mei aching akhat khuan bammei kagan,
 Duiluangmei kum tat kan the, tat kan the;
 Tatnimei tingkum rianramei chunphung lana,
 Tat ni huthang ntam nipui lat sana,
 Ngalan dat khang ning maknga,
 Tat nimei huthang tatkan the.

2. Tao tingkum kathan guang dat nimei hei,
 Ndaolou ni katan guai, katan guai;
 Jaona king lou o, dinlou nimei latrian guai,
 Rilou nanglung khou suaihiam mei tei,
 Phung lana neilamei din lou khang,
 Guang the aseil hei aniu khang.

171 Nang bumang khang ram ping thai o

Doh – D irregular

1. Nang bumang khang ram ping thai o,
 Kandih chakin janggai gan o;
 Nang bumang hei kungpui tuang e,
 Nang poubaumei khou lum tip bo.
 Nban ram hei naang kaai ram e,
 Chang khan loupui kai de ning o;
 Nban chakin guai gan lana,
 Nang bumang ring khang lunglai tho.
2. Seitan rui nangta kao bam ,
 Pap guai chakin gan lou ngam o;
 Nang bumang rui kung pui tuang e,
 Nang bumang khangram ping thai o.
3. Seitan rui nangta khuan bam e,
 Gai makmei pap tan dat ri tho;
 Nang bumang rruikung pui tuuang e,
 Nang poubaumei khou huainei o.

172 Kanloumeipu bammei Zion ram

Doh – C

Irregular

1. Kanloumeipu bammei Zion ramgai,
Achun sinung ai ning touna aini-
Bam khang ninge;
Kandih khou pui-pu lun thai mak,
Kandih khou kiruai kum rianra sini,
Ninge nang thuk pui jei.
2. Ai jip Chiang thao pui-pu lun thai maknga,
Mikdui rui noudui phan suna-
Lung hei padik bam;
Khou-mang pui-pu lun thai mak kum,
Jangsi mikdui luangmei rui duan suna,
Achun sina ai kap.
3. Thou rui ata kanah kao lou nicho?
Ai puai tatna apui ta kaoki-
Daoloumei makge;
Abunga samei khuan tei,
Apui khuan suna ai phu guang sini,
Ata puang lou mak ge.
4. Apui ata nban khou puan lou ki,
Ai kap khou sumloumei maknga-
Bui thang tat kan tu cho?
Ai lat luna kapmei mikdui,
Roulou nimei makge kandih khouhei,
Dap tari kim mak ge.

173 He kanloumeipu poubaumei

Doh – Bb

11.9.11.9.

1. He kanloumeipu poubaumei nangjei tei,
Kandihmei guai rui thuknga ning diu;
Nangrui damloumei guaita jaujian khourui,
Kandihmei guai lun phunga puan e.

Poubaumei Jisu guloumei,
Nang na rap de meiring khang tei;
Nang jan himdai diu,
Guang hei jumei ru khou-
Dailiangmei nang e.
2. Kandihmei guai hei tingkauhmei sudi khang,
Nang rui kandihmei lun kei phunga;
Tingkauh thu takmaknga nban thai diukhang,
Nangrui rianra khang kei puan e.
3. Meinun guai ruina tingsanga gai diu khang,
Rianra rianriu kapum tei khang e;
Kaniu nadap tari dat mak khang tei rui,
Khanglou khang tat the pirou bam khou.
4. Kaniu tingsanga thei dat mak khang tei rui,
Ringtak makpui tuang tei ladiu khang;
Nang ruina kaniu tak maknga ring khang tei,
Kalvari ching rukhou kei khang e.

174 Asei tinkum luai guang pu the

Doh – E 8.6.8.6.

1. Asei tinkum luai guang puthe,
 Kagan tatmei tan hei;
 Panti duimei tinkum luai the,
 Tammei gan hei dam lou.
2. Kaipou kross khou nang ban tipat,
 Nangmei ta jai guang the;
 He niu jian khang kross ta,
 Nang banpa khou niu bam.
3. Himdaimei sudi kapu khou,
 Himdaimei sudi Kanah khou;
 Himdaimei sudi bumang thanmei khou,
 Ngan makmei tinkum khou.

175 Ai njuan e Zion namthan gai

Doh – F

8.7.8.7.

1. Ai njuan e Zion namthan gai,
 He guang himdaimei tingkauh;
 Ai ning touna machun bamni,
 Kandih rianramei thaknga.

 He namthan ringmei ganmei ram,
 Guang ram gaime ai hou ni e;
 Tak maknga adang khou bam o,
 Tak maknga ata nduang lou o.
2. Nang bumang rui nduang lou datro,
 Tan hei rianrana bam khou;
 Theimei luangbut khou ai bam e,
 Ringsuangmei ram juan nithe.
3. Ringmei gan khou kandih ta jaolo,
 Rianramei muang rui jing bam;
 Kandih rianramei ninga kap,
 Guangdih ta machun na huai.
4. Ata sumlou o he poubaumei,
 Theipui nung kiu neila khang;
 Njianmei rui suthan lou o,
 Zion ram niu juan dikho.

176 Tingkauh akai gaimei khou tei

Doh – C

8.8.8.8.

1. Tingkauh akai gaimei khou tei,
 Theimei rianra lung geimei mak;
 Kabam neimik khang suang gan e,
 Hei ram gai tei akai suni.
 Khou tei tatni (2),
 Thei makpui ram gaimei khoutei;
 Thei makpui ram khou tei tatni,
 Khou tei tingsangjang ai lungni.
2. Tingkauh akai gaimei khou tei,
 Khou tei apu Raguang lung e;
 Jangsimeimei makpui ram tingkauh,
 Kandih hei patlou na tatni.
3. Mei nun phu e lunggai khang tei,
 Man dat nimeimei kandih khou hei;
 Poubaumeimei guang bampang hu khou,
 Tingsang hei ram khou ai lungni.

177 Kagan tat khou niuni tatre

Doh – Ab

8.7.8.7.

1. Kagan tat khou niuni tat re,
Tingmik tatmei kum tat re;
Hei dih hei pat lou jai ni the,
Niu kai tingkauh thang tat khang.

Kagan rui tatmei khou niuni tatre (2),
Aniu rui aniu kai biak juan bam e;
Kagan rui tatmei khou niuni tatre.
2. Tingkum rambiu niu lung guang the,
Lungkei lungku lungriu the;
Lung rianra neila ariu the,
Kap guai nui guai na lung the.
3. He tingmik thui pouhta lum kho,
Nchummei khou jailou khang;
Kum thei niu chang man mak puni,
Pap le jingbang chang khou tei.
4. Kandih changchiam guai tat ngamna,
Kachiam khath khat tat luaina;
Bumang lungpui bam tang ni the,
Ngin chang tat luai pu khou.

178 Khristian jian khou niu lung

Doh – F

6.6.8.6.

1. Khristian jian khou niu lung,
Bangmei riang guigai diu;
Chun cham kadam lacham meihei,
Kau thang lunlung kumme.
2. Niu pu bampaeng hu khou,
Niu huainei mei bun lou;
Niu pingmei tammei machun mei,
Kadan mei khat na de.
3. Rianra akhang chammei,
Puatrit mei phung chammei;
Khat khat khang mikdui kei loumei,
Jianmei khristian riak ge.
4. Aniu tammei gan khou,
Lung rianramei nai e;
Kumsi niu lung alam bamni,
Gaina riu dat mak san.

179 Tingkauh jubili kang khuan

Doh – C

9.9.8.8.

1. Tingkauh Jubili kang khuan king o,
 Tat dat makkhe hui bammei khuan tei;
 Pap phungmmei nun mu chu thui lak,
 Kinga guang tho nian puni the.

 Tat nimei tingkauh ram khou tei,
 Tingsang neila nban thaini;
 Kam thao dikho jianmei nun le,
 Tingkauh jubili kang khuan king o.
2. Thei handat ritho lumloumei guai,
 Kandih hei rianra jingpui bam de;
 Kap kalangmei rui jing sini,
 Kauh Jubili kang khuan tei king o.
3. Tang jai puni the tingkauh ram kiu,
 Houjai nithe kaipou Khrista lun;
 Hallelujah sam kan nithe,
 Tingkauh guang jubili ngai khang.

180 Hei kandih ta akandih e tuna

Doh – D

13.8.5.

1. Hei kandihta akandih e tuna-
Ning khou rui,
Njianmei guai Jordan pang thang-
Lung khang tat kan the.

Neimik ni naimei nsa de,
Buh le ganchuanga guai ni;
Bansin kadimei nai lak khe,
Ganmei Jisu hu khou tei.
2. Hei kandih tei sumei naomei guai-
Nai dat lak khe,
Njianmei guai ta ariu puni-
Jordan pang thang.
3. Lummei guai mu tingkauh ramthang-
Tingsangjang lungni,
Tat rei kanmei njianmei guaita-
Ariu puni.

181 Jisu hei amuh daimei e

Doh – Eb 8.7.8.7.

1. Jisu hei amuh daimei e,
 Jaujian daimei amuh e;
 Sumei naumei tigai lou e,
 Huainei mei guai tilou e.

 Ram kaguai na kaipou e,
 Ram kaguai ta dam lou e;
 Katuang nja tuang makge,
 Guhsu-gahsu makge.
2. Aniu pangkhau guang bam lou o,
 Lui makmei kaibang khau hei;
 Ringpui banrui kahi lou o,
 Aniu huainei bam khau hei.
3. Bumang naumei tigai lou e,
 Lungning pumtan titan lou;
 Rianramei lung ti neila lou,
 Lunglai puimei pap kuak lou.
4. Tingkau kaidai guang tang pukhou,
 Aniu kata hou pukhou;
 Kabampang hu khau lu suanni,
 Jisu jan ta thuan bamni.

182 He poubaumei niu khou guanglou o

Doh – D 9.9.

1. He poubaumei niu khou guanglou o (2).

Ntao khou rui thauna,
Aniu dih hei missionary;
Kandih sulou o,
Pou niuta jian lou o.

2. He poubaumei suaihiam tilou o (2).
3. He poubaumei niuta khalou o (2).
4. He poubaumei niuta ganlou rio (2).
5. He poubaumei niuta lalou o (2).
6. He poubaumei niuta duang lou o (2).

183 Kamei jailou khou ai tatni

Doh – A

8.8.8.8.

1. Kamei jailou khou ai tatni,
Kakhou lummei ramgai thai the;
Ai ningtou e akhang dinge,
Kalvari khou thei loumei ta.

Jisu ata jailou puni,
Jingbang kalan changluan thui khou;
Gailiangmei champan kamei e,
Kalvari ta ai ningtou e.
2. Kalat dan khou ai neila e,
Karam jailou ta ai pian the;
Kachun hei akhang gailiang e,
Kalvari jei rui su than lou.
3. Huthang ai gutni ping maknga,
Khrista duanglou jang neilana,
Neikhat souriu khang lungai na,
Kalvarime pu Jisu ta.

184 Eden ramgai khou tei lungkhang

Doh – G

8.8.8.8.

1. Eden ramgai khou tei lung khang,
 Guang nimei tingmik naguang the;
 Panti luaina tatpui nung kiu,
 Guangtang puni kauh kaidai khou.
 Alungning le abumang hei,
 Tingkauh ram khou ruanna tatbam;
 Nban ram khou hei lung nimak ge,
 Tat kan dikho jianmei nun le.
2. Mangthang hougaimai khang suang e,
 Laujiu nah rui gan na bam e;
 Mang man ritho kagan mak khe,
 Jaipat lou ni pou Khrista rui.
3. Kauh ramgai tang mak khang lunggei,
 Jingmei muang rui gum liam bam e;
 Gan guang datro kanloumei pu,
 Ringmei thinglim khou jang suni.

185 Jisu rana kross phung nicho

Doh – C

8.6.8.6.

1. Jisu rana kross phung nicho?
Mei guai pumsa tatna;
Ram e mei kathui khang kross nai,
Hei kross tei akhang e.
2. Katpat mei kross tei ai phungni,
Apanti ngan maksan;
Hei tang tingkauh kai njuanni,
Khou tei pirun lani.
3. Kangranmei kross tiangdang khou tei,
Jisu phaibang khou tei;
Neilamei pirun lou kei ni,
Kajan suan kaluai ni.
4. Kungliangmei kross himdai pirun,
He ringthao pui tingmik;
Banchra guai kauh thang rui keina,
Abumang phung kuni.

186 **Kandih juk hei luai guang puthe**

Doh – G

8.8.8.8.

1. Kandih juk hei luai guang puthe,
 Khat rui khat ta jianna lung o;
 Jaojimei rui padik pukhou,
 Ntunmei guai rukhou nai e.

 Gaimeit tingmik hou nimeiguai,
 Simeitan guai npat latho;
 Poubaumei mik jaopan tei mu,
 Ntunmeiguai rukhou nai e.
2. Kandih khou nangniu lung chammei,
 Khat rui khatta njian makna;
 Mik rui hou makmei Raguang ta jian e,
 Samei nkhuaimiei e.
3. Simeitanh tan puijang khou rui,
 Rianra akhang mei khang suangmu;
 Gaimeitanh tanpui jang khou rui,
 Rianra akhangmei rui gai e.

187 Ata ringmei thingbang ti sulou o

Doh – D

10.10.1010.

1. Ata ringmei thingbang ti sulou o,
Duihuak pangkhau thaomei thingbang kumma;
Kaman jangnga kabuan gaime i buan khang,
Bumang tan thaime i nbu thao diukhang.

Suthan lou o aniu guai lungning hei,
Timan lou o reinung lungning guaitei;
Lungning gaime i kumma gaibam diukhang,
Hei ram gaime i khoutei ai guang diukhang.
2. Ring chang puni de rianra bam sini,
Jisu limbang khau tei ringme i nai e;
Raguang rui liu loume i bang thei datmak,
Hei kandih kiu aman dat jat lak khe.
3. Tingpui maruina rianra bam sini,
Raguang pirun runpui nungguang diukhang;
Khou tei guang khang Jisu rui kao bam e,
Nbanthaime i tingkauh khau guang diukhang.

188 **Ai tingmik thui kaipou nang thei**

Doh – D

11.7.11.7.

1. Ai tingmik thui kaipou nang thei lai tatni,
 Ai hei kaipou nang tuang e;
 Changkhou ai punkei bam khuansini nanghei,
 Akaipou sulou bam e.
 Nthiammei puanjing ran guang pusini,
 Ting-nei sihguang sini ai nang tuang;
 Tingsangjang khang ai nangtuang suni the,
 Ai hei kaipou nang tuang e.
2. Meinun rui karang jaojih guang khuansini,
 Ai hei kaipou nang tuang e;
 Champan guai ata ganlou du pusini,
 Ai hei kaipou nang tuang e.
3. Kandih kabam thui khou ruantat bamsini,
 Ai hei kaipou nang tuang e;
 Ai thei ni ringni tabui guang pusini,
 Ai hei kaipou nang tuang e.

189 Kajan tatmei kim dat lakkhe

Doh – A

8.8.8.8.

1. Kajan tatmei kim dat lak khe,
Pou rui kasiam loumei ram tei;
Kalan jingbang nai dat lak khe,
Zi-on namdai gaimei khou tei.

Tingkauh Jerusalem namdai,
Ndap tarimei nai dat lak khe;
Buh, neih ganchuanga rui nsa de,
Laujiu nah rui gan e hei khou tei.
2. Pou nang guangdih thanmei khou tei,
Theimei sumei nai dat lak khe;
Mikdui rouna ntammei hei,
Nailak khe nang guagdih gai khoutei.
3. Rianramei nban kanndih khou,
Theimei khou rui kan khang tat bam;
Ntammei rianra chunsime,
Nailak khe nang guangdih gai khou tei.

190 He Raguang jailou o

Doh – C

6.7.9.5.

1. He Raguang jailou o,
Kandih panti luai maksan;
Muang kumma jingmei kandih khou hei,
Ata jailou o.

Nang rui rammak neila khang makge,
Lung tineila lou nimei;
Panti tingmik hei luai guang puthe.
Aniuta khuan mak khe.
2. Juan dikho ganmei thang,
Gumeipu phaikam suina;
Thiammei rui dui kumma guang sini,
Ping maknga tatni.
3. Kandih apanti hei,
Lili mun kum tuai nuang e;
Pingmei rui padikmei kandih khou,
Ata jailou o.

191 Poubaumei kalum khang

Doh – A 6.6.8.6.

1. Poubaumei kalum khang,
 Guang kariu bam khou hei;
 Nangjao kari nthei lou rio,
 Aniu nkhuai sini.
2. Ai nkhuaimai guai,
 Nang hukhou phung guang e;
 Tiduaklou khang le khiu than khang,
 Nang khou njuan guang e.
3. Aram khuai phu ngam mak,
 Ata ti than khang hei;
 Kumsini nang jaujian thaime,
 Timan lou o nang rui.
4. Hei kumma neimei hei,
 Lalu o poubaumei;
 Kandih lungning guai timan o,
 Ti o lungning gaimei.
5. Raguang ta kalummei guai,
 Suaihiam gaimei latou;
 Thei pukhou tingjkauh thang lungni,
 Tingkauh thanmei nun le.

192 **Kandih khou neilamei naidiu**

Doh – Eb 8.6.8.6.6.8.

1. Kandih khou neilamei naidiu,
 Kaipou Jisu guang the;
 Meiguai lungkhou bam chamdan diu,
 Kauh le dihrui thuan diu (2),
 Kauh le dihrui kata thuan diu.

2. Kandih khou neilamei naidiu,
 Poubaumei guang tuthe;
 Ching jang duidai thing tau guai le,
 Mei guai rui thuanku diu (2),
 Neilapui lu suan kaluai diu.

3. Pap le rianramei nai lak khe,
 Saurang nai dat lak khe;
 Kasuaihiam tilou khang guang e,
 Siang naipuibam thui khou (2),
 Siang nai pui bam kathui nakhou.

4. Kamei rui kandih hei sin the,
 Chummei le jaujian rui;
 Chingkhiumei katuang tunmei le,
 Chrinmei kajaujian ta (2),
 Jat kaguai rui ti ndao e.

193 Laujiu gangmei nun tei

Doh – G

8.6.8.6.

1. Laujiu gangmei nun tei jingbang,
Laujiu ta khuan bam khou;
Poubaumei banchra khat keina,
Kaniu dang tigan lou.
2. Pingriu Seraph tei rui sa e,
Kaniu pingna bam khou;
Neila daimeis cham ai phung guang,
Nangniu le mei guai khang.
3. Nangniu khang David kaidai khou,
David tuang jeiriang khou;
Gumeipu kaipou Khrista kiu,
Sei hei puan lou bam the.
4. Tingkauh nganah ta hou pui,
Mansei guanna puanmei;
Pheinuaina rui kadup louna,
Kaikhuang khou jiloumei.
5. Seraph tei rui satang pukhou,
Kauh banchra kangdai rui;
Raguang tikgun daimeis thuanna,
Janggai pui lu suan e.
6. Tingkauh thang Raguang himdai diu,
Dih khou jangmei naidiu;
Kauh le dih khou gaimeis cham hei,
Taoni tingsang nai diu.

194 **Khrista le phuamling khang**

Doh – D

10.12.11.11.

1. Khrista le phuamling khang niu kao thao kho,
Guigaimei niu guang jan-
Chakhuang champou su kho;
Chabuan pumtan rui niu chun louna tan kho,
Nchummei guandih khang biangpuina dingkho.

Khrista thuakloumeipu khang,
Khrista theiloumei khang;
Jeirui liuloumei phuamling khang,
Sulou o bao khang pou.

2. Khrista le phuamling khang huainei bam kho,
Tingmik thui kross phungna-
Kachuangphei thei lai kho;
Bumang tanmei ngam khou tigut lou ngamkho,
Panti gan gai khou kasiamruai su dikho.
3. Khrista le phuamling khang priuna tikho,
Kaipou khang kagan le talent-
Sianlan kat kho;
Gailiangmei puatruai guai phung guangna tikho,
Jianmei lungning lan kam makmei hei kat kho.
4. Khrista le phuamling khang niu ganpat kho,
Kakhang khangna ningmmei-
Liantimei pingmei guai;
Gaimei dam guang nimei tei machun lou kho,
Theithang kaipou tuang banjat thang neilani.

195 Guang pirun tei pou khou

Doh – G

9.9.9.6.

1. Guang pirun tei pou khou runlou tho,
 Guang khrista ta meikin guai thuan diu;
 Kajan aniu chakhuang champou ni,
 Taoni tingsangjang na.

 Guang pirun tei niu run louni,
 Himdai dihthang kakhou run louni,
 Thuanni guangta thuanni,
 Thanpui khuan kau ranni.
2. Thuan o pouta kauh banchra guai le,
 Kabampang hukhou nra jai o;
 He jat guai le neilana kauh o,
 Guang guai Guangta thuan o.
3. Pap rih ngammei kaipou kamei e,
 Kabumang rui niu lung hei sindiu;
 Kajan panrui aniu rih ngamni,
 Tingsang khang run lou o.

196 Guaikai khou tei makge

Doh – Fb

11.11.11.11.

1. Guaikai khou tei makge nganah jibam khang,
Kiruai kuak khou jilou e pou Jisu ta;
Ganchuanga guai rui jaokei e kaji ta,
Nganah Jisu tei napgou rukhou jip be.
2. Nganah tei jipchiang e guai rui muang khoutei,
Ki nganah Jisu thu khou tei kap makge;
Ai huai e pou Jisu jaokei lou naro,
Adang khou bamlou o tinggan pat maksan.
3. He poubaumei Jisu adang khou bamlou o,
Tak makna bamlou o ata jianlou o;
Alauh guaita nang rui kungna sulou o,
Tingkauh khou lungcham khang niuta sulou o.

197 **Thanpui nei jingbang tei**

Doh – C

Irregular

1. Thanpui nei jingbang tei,
 Ram kaguai rimh rim khou;
 Kapui le nga nah dang gan e,
 Mangui phungmei thanpui nga nah tei,
 Jip bam e reih reina,
 Kauh tuang chujangmei khou.
2. Rimh rimpui jingbang tei,
 Laujiu gangmei chu e;
 Kauh banchra nun lu hei kumna,
 Halleluijah Guangta thuan kho,
 Jisu Khrista puan the,
 Guloumeipu Jisu e.
3. Thanpui nei jingbang tei,
 Raguang nah jianmei riu;
 Thanmei nang jau khou rui gan e,
 Thuakloumei jaujian lauthuan riu,
 Jisu nang puan nung tei,
 Jisu nang puan nung tei.
4. Rimh rimpui jingbang hei,
 He ganchuang gan kei o;
 Kauh banchra le lusuan cham kho,
 Halleluijah aniu guang khang,
 Jisu Khrista puan the,
 Guloumeipu Jisu e.

198 Niu thuan kho Raguang tuang

Doh – D

12.9.12.9.

1. Niu thuan kho Raguang tuang chrinmei-
kajaujian khang,
Tak makna gaklou bam puijang khang;
Agau rim kum niu thuanmei khuanni-
Ku kandiu;
Kalum khang guang kaduai bam khouhei.

Thuan dikho kalum kho,
Katuang tan guuai jang khang;
Karamgai karam gaklu din kho,
Agau rim kum niu thuanmei-
Khuanni ku kandiu,
Kalum khang guang kaduai-
Bam khou hei.
2. Niu thuan kho kajaujian tuang chrinmei-
Kaipat tei,
Kamei rui niu khou lian loumei khang;
Jisu le madiatna kadam lacham pukhou,
Kabampang dang niuta jai guangni.
3. Huainei kho kasuaihiam tak makna-
Tilou khang,
Niu changluan tigan lou bamdiu khang;
Kamei rui aniuta titui lou pui panrui,
Niu bumang kaguangdih khou lungkhang.

199 Chripui jaujian adi gai cho

Doh – G 8.6.8.6.

1. Chripui jaujian adi gai cho?
 Ai kummei ta gulou;
 Ai man khuanthe tao phutou dat,
 Miktiat khuanmei hou dat.
2. Jaujian rui pingthai khang chamlou,
 Ai pingmei timan e;
 Adi thuk cho jaujian tan hei,
 Ai lumlou rap nung tei.
3. Rianra rianriu pharang khou rui,
 Ai hei duakna guang the;
 Jaujian pan e heisan guangmei,
 Tingkauh ngan jailou ni.
4. Kauh khou niu nei kum gan nungkiu,
 Kum ching ruh lung nung kiu;
 Raguang thuanmei tak mak thuanni,
 Tao thuanmei suang thuanni.

200 Nthanmei baibal

Doh – D Irregular
(Latding kaguang – 66)

1. Genesis, Exodus, Leviticus, Numbers, Deuteronomy,
Joshua, Judge, Ruth, Samuel, Samuel, Kings, Kings,
Chronicles, Chronicles, Ezra, Nehemiah, Esther, Job,
Psalms, Pcroverbs,
Ecclesiastes, Song of Solomon, Esaiiah, Jeremiah,
Lamentation, Ezekiel, Daniel, Hosea, Joel, Amos,
Obadiah, Jonah, Micah, Nahum, Habakkuk,
Zephaniah, Haggai, Zechariah, Malachi.
(Latding than – 27)

2. Latding Than Mathiu, Mark le Luke le John,
le Tanruai le Rom, Corinth Akhat, Corinth Kanei,
Galatia, Ephesia, Phillippia, Kolossia, Thessoloni
Thaoreimei, Thessoloni Kaneimei, Timothy
Thaoreimei, Timothi Kaneimei, Tita, Philemon le
Hebrew, Jacob, Peter Reimei, Peter Neimei,
Johan Thaoreimei, Johan Kaneimei, Johan
Kathummei, Juda Ndaouloumei, Halleluijah Amen.

LU PHUPUI BAM**A**

Achun sina	140
Adam tarou jingmei khou	40
Adi tingsang tucho	71
Adi nthuk tu cho	83
Ai lungmei kandih	65
Ai lung e luang kaomei	113
Ai ning e tingsang lung	74
Ai nkhuan ne guang daime	44
Ai njuan ni zion	175
Ai nang kai khang suni	23
Ai ring pui tingmik	5
Ai rui tikgun daina	6
Ai thaona apudang thang	18
Akhang lugai baime	15
Alung rui ninga	162
Alung rianra gan khou	118
Alung hei pap rui jing sini	146
Alung rianra pukhou alao kumma	150
Alung rui ning e tingkauh ram ta	102
Amu nun sakanmei guang	62
Aniu Naganei ram kum	167
Aniu nkhuan bammei	84
Aniu ringpui tingmik	16
Anuan jang khou rui	115
Apap kangjang khou rui ata	17
Apam ajiuna gan lou	130

Aripuan hei loukei ping e	133
Asei kandih man	96
Asei tingkum	174
Asei tingmik patmei hei	105
Ata ringmei thingbang	187
Ai tingmik thui kaipou	188

B

Bam kathum khou lat njan	144
Bui khang jang sini cho?	73
Bumang sam kei o	45
Bumang thanmei mai le	28

C

Chun simei muang rui	31
Chunsi jangsi nung	1
Chamloumei guang puan e	47
Chripui jaujian adi gai cho	199

D

Duipang ramgai ai guang tang	87
------------------------------	----

E

Eden ramgai khoutei lung khang	184
Lu phupui bam	

G

Gaipui ram ninga kabam thui	80
Ganphiu banchuang	4
Getsemani pikuan khou	41
Gundai pui tingmik	79
Guai kai khou tei makge	196

Guang khrista puan pui nung	104
Guang pirun tei pou khou	195
Guango mansei nanun	92
Guang bam the guang e guangdai	163

H

Halleluijah he halleluijah	43
He kaguang David	48
He halleluijah guang	53
He jai guang lou puni	119
He jangsu ni mundui	114
He kandih khou bamsan khou	20
He kanloumei pu nangta	24
He kanloumeipu poubaumei	173
He ninge kalvari	97
He neila khristmas munpuang	141
He poubaumei Apu Raguang	110
Lu phupui bamHe poubaumei alung rianra	25
He poubaumei niu khou	182
He araguang poubaumei	139
He tingkau thanmei ninge	11
Hei kandih ta akandih e tuna ning	180
Hei kandih hei mu neikhat man	164
He Raguang jailou o	190
Himdai kandiu pou Jisu jan	138

J

Jaolo ringmei nthuk pui jei	99
Jerusalem dang khou	52
Jerusalem namdai gaimei	49

Jisu hei amuh daimei e	181
Jisu jaujian rui anuan Jisu guang puthe	155
Jisu kei dat nimei gan naguang	161
Jisu tei lunggei na tat the	26
Jisu rana kross phung nicho	185
Jingbang lung geimei	14
Jingmei gan patro	2
Jordan dui kanpat pui nung kiu	147

K

Kabam kathui ai phang jao bam khou	68
Kagan hei naguang puthe	59
Kagan tingkum hei tat the	86
Kagan tat kanmei guai	69
Kagan tat khou niu ni tat re	177
Kagan rui din bamme	169
Kahim dai diu halleluijah	143
Kajan tatmei kim dat lak	189
Kajan Zion tumei ram	56
Kalvari ching rukhou tei	125
Kalvari ching khou poubaumei	135
Kalvari chingbut ngammei	103
Kalvari khou jaujian loumei tei	3
Kalung rianra pui bam jaona	157
Kamei jailou khou ai tat ni	183
Kanan njang	76
Kanan ramthan	64
Kaniu sa e tingpuk pang thang	148
Kandih khou neilamei naidiu	192
Kapu tuang suaihiam tei	158

Kasubang kabam gaimei khou	37
Kei o tingkau thanmei	88
Khristian jian khou niu lung	178
Khrista le phuamling khang	194
Khistianmei guai janggai o	142
Kapma kalang bammei	39
Kandih hei ring rui the	27
Kandih juk hei luai guang	186
Lu phupui bamKandih khou hei kaguang peina	60
Kandih khou rianramei na	72
Kandih khou puanmei	70
Kandih khou gailiangmei	101
Kandih mungai aniu khou	9
Kandih ram khou kaguang phe	29
Kandih ringmei duiriang hei	32
Kandih ram khou hei kanloumeipu	12
Kandih champan guai	108
Kandih khou chujang mei guang	152
Kandih khou muang rui gumliam	121
Kanloumeipu akhang tei rui	36
Kanloumeipu jei tei	35
Kanloumeipu bampui ram Zion	172
Kanlou na hikuak khat	93

L

Latjan tingmik naguang puthe	165
Laujiuna rianramei	137
Laujiu gangmei nun tei	193
Lauthuan aniu tarou thang njuan	156
Lauthuan neimik kum ganmei	109

Lunggei mei jingbang	94
Lung rianramei khanga	7
Lung rianramei muang	13
Lung rui tingkau cram ta	30
Lung rianramei rui	46

M

Man kandiu rianra rianriu mei	8
Man guang the kandih ringmei	77
Man guang the aniu kandih	91
Mathiu 25. pari khou	168
Mei lung rianramei kandih	85
Mei ching akhat khuan bam	170
Mikdui luanga	38

N

Nang bumang khang ram ping	171
Nang himdaime ram guang khang	117
Ninga huai e ramgai	67
Ning e tam dat mak	21
Niu thuan kho Raguang tuang	198
Njianpui ram ningtan mak ge	61
Njianmei apui apurui	123
Nking o kaniu khuan gaime	127
Nkham mei latjan	151
Nkhuaime e poubaumei kuaklou o	131
Ntao kathan njianmei	34
Nthukpui tingmik	95
Ntampui tingmik pat puthe	149
Ntam lou the	107

Nthanmei Baibal khou	200
Nthu aluan laophun suan	154
Nulo noupou pu khuan gaimei	63

P

Pap mei guai ta njian khou rui	159
Pap rihbam khou hei	19
Penticos nung kumma	54
Phang jaolo tingkau	50
Ping maknga tatro	112
Pou Raguang katana	78
Pou rui khang loumei	81
Poubaumei kalum khang	191
Poubaumei ta ariu nimei	98
Poubaumei khrista guloumei	120
Puai tat nban rianramei kandih	166
Puijian loumei khuan njangmei	145

R

Raguang ram dam hei adi gaicho	160
Raguang rui njianloumei hei	129
Raguang jan khou kariu khang	89
Rangsou kumma	22
Reikhou Mousi	82
Reining muhjung guai rui samei	111
Rianra pui ram hei	10
Rianramei kaguai nai dat lak	106
Rianramei guai nai dat	33
Ringmei ram njuanmei	75
Ramgai neila liang puilat	42
Ringpui kan hei munpuang kum e	158

S

Simei rangbang khu tatbam	122
Salem ram than njuan dikho	116
Suaihiam tilou khang	132
Sam thai ethei	58

T

Tingkauh akai gaimei	176
Tingkauh kandih khou ai lung	124
Tingkauh jubili kang khuan	179
Tingkauh thang bammei guang	136
Tingkau thu Raguang dailiangmei	128
Tingkum tang the tinkum kathan	51
Tingkum kathan guang	90
Tingkum heisan ningmei	134
Tingsanga tingsanga	55
Thanpui nei jingbang tei	197
Thao tho khristianmei	126
Thuan ku dikho poubaumei	66
Lu phupui bam	

Z

Zion chingdai katuan thang	57
----------------------------	----
